

# WANTOK

WANTOK  
1000-1000-1000  
1000-1000-1000  
1000-1000-1000

NIUSPEPA BILONG YUMI OL PAPUA NIUGINI STRET! 32 YIA NAU

Namba 1,491

Wik i stat long Fonde Februeri 6, 2003

K1.00

<b>Insait long Wantok</b>	<b>Embeseda Tanaka tok gutbai</b> - pes 2	<b>Australia sapotim lo bilong Bogenvil</b> - pes 3	<b>SHP grup tok lukaut long bagarap</b> - pes 5	<b>Hagen papa-mama kros long skul fi</b> pes 6	<b>Malolo taim ripot</b> pes 9-20	<b>Winim K250.00 Painim bal resis</b> pes 27
---------------------------	--	--	--	---	--------------------------------------	---

## AIDS kamap planti long setelmen

**ROSALYN ALBANIEL**  
i raitim

WANPELA stadi i soim olsem pasin pamuk i wok long go antap tru long ol komyuniti long Lae siti we bikpela tru i save kamap long ol setelmen. Dispela ino gutpela tumas bikos save i stap pinis olsem dispela em wanpela rot we ol manmeri inap kisim sik HIV/AIDS.

Ol lain husat i bin wokim dispela wok painimaut em wanpela grup ol kolim long Edventis Developmen na Rilif Ejensi (ANDRA) we wanpela wokmeri bilong ol bin tokaut long dispela long las wik taim ol bin opim wanpela nupela senta bilong ol insait long Eriku, long wok wantaim ol lain husat i stap wantaim sik AIDS.

Meri husat bin tokaut long dispela em Abigail Akirapa husat i kodineta long dispela senta bilong strongim na helpim ol lain husat stap wantaim sik HIV/AIDS.

Mis Akirapa bin tokaut olsem wok painimaut bilong ol bin soim olsem pasin pamuk stap bikpela tru long ol setelmen long ol hap ples olsem Bundi Kem na Buimo Rot.

Em i tok olsem ol bin painimaut tu olsem bikos prais bilong ol samting long stua i wok long go antap, strong bilong Kina (mani) i daun na laip i hat we planti bilong ol dispela lain i wok long mekim pasin pamuk long painim mani long helpim sindaun bilong ol.

Em i tok olsem dispela nupela senta we ADRA i

opim i sut stret long helpim ol lain husat i stap wantaim sik HIV/AIDS na arapela i wok long mekim pamuk pasin raun long senisim dispela pasin na painim gutpela rot bilong painim mani.

"Long dispela senta mipela bai traim long givim ol gutpela skul long sait bilong kukim ol skon samting, samap, givim skul long

ranim bisnis na skulim ol dispela ol lain long setelmen long strongim ol bai ol i ken sanap long lek blong ol na wokim ol gutpela samting long mekim mani.

"Mipela laikim bai ol i noken yusim bodi bilong ol long painim wan siling," em tok.

Mis Akirapa i tokaut olsem ol bai traim long

kaunselim (givim stia tok) long traim mekim bai ol dispela lain, ol yut na tu ol famili bilong ol long luksave olsem pasin pamuk i no gutpela na bai mekim namba bilong sik HIV/AIDS i go antap moa insait long kantri.

"Sapos ol luksave olsem dispela pasin i rong mipela bilip em bai helpim tru long daunim namba insait long

PNG," em i tok.

Em i tok moa olsem long mekim dispela wok karim gutpela kaikai ADRA mas wok hat na ol bai i mas i gat wanpela gutpela netwok insait long PNG long nesenen na tu long provinsel level.

Mak bilong sanapim dispela senta i kisim mani mak olsem K130,000 na dispela

em ol dona ejensi bin givim go long ADRA long baim haus na tu ol masin na ol samting bilong ol long yusim.

Ol lain husat bin kamap long dispela taim em ol lain husat gat wari long dispela sik na laik lukim mak bilong dispela go daun.

Namel long ol em Dokta Paisen Dakulala husat i wanpela dokta long Angau Haus sik long Lae na tu Ekting Siaman bilong Provinsel AIDS Kaunsel insait long Morobe provins.

Dokta Dakulala i tok amamas i go long ADRA long gutpela tingting bilong ol long kamapim dispela senta.

Em i tok olsem namba blong ol manmeri insait long Morobe provins husat nau gat dispela sik wok long sut go antap na dispela ino fani moa.


Em i tok bikpela wok stap long traim long daunim na bai ino inap wanpela man tasol inap mekim.

Em tok sapos olgeta wok olsem wanpela tim bai dispela wok ken karim gutpela kaikai.

Dispela senta bai helpim long sait bilong kisim stia toktok long helpim ol yet bai ol ken traim long lus tingting long dispela sik bai noken daunim ol.

Dispela senta bai wanpela hap we ol famili bilong ol dispela lain ken go tu na kisim skul long traim long helpim ol wantok bilong ol husat tu gat dispela sik AIDS.

Sapos yu husat i laik kisim moa toksave yu ken ringim ol lain long ADRA long 4791510 o 4727088.



**Tenkyu na gutbai embaseda... • (Raithan), Embaseda bilong Japan Tatsuo Tanaka i amamas long dispela piksa bilong em we atis bilong Wantok Niuspepa Jada Wilson i droim. (Namel), Praim Minista Sir Michael Somare na Bos bilong Wantok Jeremy Burgess (Iephon), i kamap long tok gutbai long Mista Tanaka long Tunde dispela wik. Foto: JOE KANEKANE.**

**UMW**  
EXPECT GREAT THINGS

Niugini Limited

**VIKING®**  
Garden Care Systems

**VIKING... I HELPIM YU MEKIM LAIP I ISI**



PORT MORESBY BRANCH

Morea Toba Road  
P.O. Box 5243 Ph: 325 5766  
Boroko, NCD Fax: 325 0805

LAKE BRANCH

Seagull Road, Voco Point  
P.O. Box 1729 Ph: 472 2444  
Lae, M.P. Fax: 472 3342

LIHIR BRANCH

C/- Lakaka,  
FMB Lihir Island Ph: 986 4194  
New Ireland, Province

VANIMO BRANCH

P.O. Box Vanimo,  
Sandaun Province Ph/Fax: 857 1437

KOKOPO BRANCH

Cnr Tokua Gelagela Rd,  
Kokopo

Ph: 982 9799  
Fax: 982 8979

# Plisripot

\* MOSBI: Het bilong plis bai lukluk i go insait long wanpela komplem olsem sampela plis i bin paitim na bagarapim bodi bilong sampela paia-man long Mosbi.

Ol paia-man i kisim bikpela bagarap tru na nau ol i putim komplem long plis pinis.

Dispela pait i bruk namel long ol na bikpela bel hevi i stap namel long tupela grup na plis i mekim wok painimaut long stretim dispela hevi.

\* Plis i tokaut olsem ol i stap redi tasol long go long Australia na kisim Moses Maladina, wanpela man husat i gat kot long planti mani i bin lus long kantri.

Planti wok i bin kamap long traim kisim dispela man i go long han bilong plis tasol nogat wanpela samting i kamap na nau ol i laikim bai plis i mekim wok moa strong long bringim em i kam kot long PNG.

\* LAE: Wanpela bikpela pait i bruk namel long ol Hagen na Morobe long Lae we i lukim wanpela laip i lus na ol samting mak long planti mani i lus pinis. Plis i wok long stapim moa hevi long kamap na sekim dispela samting.

\* WABAG: Sampela raskol i sutim na kilim i dai wanpela man. Ol raskol i laikstil na man ya i sanap long rot bilong ol na ol i kirap sutim em na kilim em i dai. Plis i wok long traim holimpasim ol dispela raskol.

\* TARI: I gat moa toktok olsem ol Hela pipel i laik ol asples yet i mas mekim wok long distrik bilong ol. Dispela bai bringim moa gutpela plis wok bikos ol plis long ol narapela provins bai go bek long wok ples bilong ol.

Sampela lida i tok taim ol papagraun yet i mekim plis wok bai gutpela lo na oda bai kamap insait long distrik.

# 'Grasruts' Ambasoda Tanaka tok gudbai long PNG

HILDA WAYNE i raitim

WANPELA ambasoda husat i save mekim gutpela wok wantaim planti grasruts pipel insait long kantri i bai lusim kantri na go bek long ples bilong em bihain long em i stap moa long tripela yia long Papua Niugini. Long wanpela bung bilong olgeta pren bilong em long

gavman na praivet sekta wantaim ol ovasis opisals i stap long PNG, Ambasoda Tatsuo Tanaka i tok em i amamas tru long makim maus bilong gavman na pipel bilong em long givim helpim long ol pipel bilong PNG.

Mista Tanaka wantaim meri bilong em Eri Tanaka i tok tupela i laikim gutpela pasin ol pipel bilong PNG i soim tupela na ol gutpela pren tupela i

bungim taim tupela i stap na mekim wok bilong tupela long PNG.

Em i tok em i raun long 17 provins insait long PNG taim em bin mekim wok bilong olsem Ambasoda bilong Japan i kam long PNG.

Long olgeta dispela provins Mista Tanaka i sapotim planti ol projek bilong ol grasruts pipel long bildim ol skuls na mekim planti ol narapela pro-

jek bilong helpim ol pipel long ol provins we em i bin raun i go.

Mista Tanaka i tok Japan wantaim PNG i gat gutpela prensip na wokbung i stap namel long tupela kantri bikos bipo praim minista Sir Mekere Morauta i bin go long Japan long wanpela bikpela bung we em i lukim na toktok wantaim praim minista bilong Japan.

Em i tok em i amamas tru olsem em yet i lukim praim minista Sir Michael Somare i kam bung long tok gudbai long em na em i laikim olsem dispela gutpela prensip i ken go yet namel long tupela kantri.

Mista Tanaka i tok wanpela samting we em i laikim tru long PNG taim em i bin stap long kantri em gutpela ol bus na flaua samting i stap long graun bilong mipela.

Em i tok dispela kain gutpela ples em i no stap long olgeta hap long wol na wanem samting em i lukim long PNG long ol raun bilong em long kantri em i laikim tru.

Mista Tanaka i tok PNG i gat bikpela sans tru long pulim planti turis bilong Japan i kam insait long kantri bikos PNG em i wanpela naispela kantri tru wantaim planti gutpela kalsa we i nogat long Japan.

Em i tok em yet wantaim Misis Tanaka bai i no inap lusim tingting long gutpela pasin bilong PNG pipel.



Gutpela wokbung... Praim Minista Sir Michael Somare i tok tenkyu long Ambasoda bilong Japan Tatsuo Tanaka long dispela wik. Foto: JOE KANEKANE.

# Ol birua toktok i noken pretim skul, Allan i tok

YAKAM KELO i raitim

MEMBA bilong Unggai Bena Benny Allan i stapim ol kainkain toktok nabaut i kamap arere long taim skul i stat nau long ilektoret bilong em.

Mista Allan i tok ol pait na trabel i bin kamap long ilektoret i no inap bagarapim rot bilong skul long Riutebe Hai Skul bikos skul i stap long narapela hap we i longwe long ples bilong skul.

Mista Allan i tok tu olsem ol ripot olsem pait na birua bai bagarapim skul i no gutpela bikos dispela inap pretim ol skul pikinini, ol papamama na ol skul tisa long statim gut skul yia bilong ol long dispela yia.

Em i askim ol edukesen atoriti na ol edministresen bilong ilektoret na provins long

lukaot gut taim ol i mekim ol toktok long birua na kolim nem bilong skul wantaim bikos dispela inap bagarapim ron bilong skul na edukesen bilong ol pikinini long ilektoret na provins olgeta.

Unggai Bena i bin gat sampela pait i kamap long ol ples na haus lain olsem Yabiufa long Unggai eria, Mohuveto long apa Bena eria, Hofaga long lowa Bena, Kafetugu long lowa Bena na Kapoguhi long apa Bena eria. Sampela pait i stop pinis na sampela i stop tasol long wetim taim bilong bung na stretim toktok na ol wok bilong bringim bek gutpela bel isi, sikan na gutpela sindaun gen long ples.

Mista Allan i tok ol plisman wantaim ol distrik edministresen na kaunsil i bin mekim wok long go insait na traim stopim

ol pait. Olsem na nau i gat wok bilong bungim ol na sikan na kamapim bel isi namel long ol.

Membra i tok bikpela wok nau em long stretim dispela ol pait na bringim bek planti manmeri pikinini husat i ronawe lusim ples na go stap wantaim ol wanpisin long arapela ples nabaut. Dispela em bikpela wok na mipela i mas stretim hariap pastaim bikos dispela kain hevi na sindaun i no stret inap bagarapim ol gutpela wok na sevis bilong gavman i laik go long pipel, em i tok.

Em i tokaut olsem sampela bikpela projek em i redi pinis long kamapim long ilektoret tasol em i mas pinisim ol dispela hevi pastaim.

Ol projek em i redi long kamapim nau em;

\* Rot projek long Seigu i go long Megabo we Esian

Developmen Bank (ADB) i putim mani pinis long wokim,

\* Kamaliki bris aninit long Yumi Yet Bris Program we nesenei gavman i wok long kamapim long olgeta hap insait long ol ples na

\* Rurel elektrifikasiesen program bilong pulim pawa long Bobiyufa i go long Megabo we PNG Power kampani bai i go pas long sanapim.

Mista Allan i tok ol dispela projek bai kamap na em i laikim olgeta hevi olsem pait na trabel nau i kamap i mas pinis pastaim. Dispela rot projek em i sambai na em i laik kamapim hariap insait long dispela mun yet. Benny Allan em nupela memba bilong Unggai Bena husat i bin winim 2002 nesenei ileksen na kisim ples bilong olpela memba Damson Lafana.

**WANTOK**  
 All departments, Phone: 325 2500 - Fax: 325 2579  
 P. O. Box 1982, Boroko, NCD, Papua New Guinea

Publishing Weekly, Thursday, for  
**Word Publishing Company Ltd.**

Printed and published by Jeremy Burgess, at Allotment 2, Section 209, Spring Garden Road, Hohola, for Word Publishing Co. Ltd.

Papers distributed by air throughout PNG. Available by air mail subscription within Papua New Guinea and overseas.  
**Email address: word@global.net.pg**

Advertising deadlines, Display bookings, Tuesday midday. Camera ready copy, Wednesday midday. Classified Advertising, Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

General Manager  
 Jeremy Burgess.

Editor of Wantok:  
 Yakam Kelo.

**TORO**

OL PIKININI I HOLIDE NA EMTV I PUTIM WANPELA SHOW-MALOLO KLAB... EM FEIVARET BILONG TORO...

OLGETA 9-KILOK MONIN TORO BAI SINDAUN WANTAIM OL PIKININI NA LUKIM MALOLO KLAB SHOW...

NAU HOLIDE I PINIS NA TU MALOLO KLAB SHOW I PINIS...

TORO INO SAVE.. EM PUTIM ON T.V. NA WET LONG MALOLO KLAB SHOW I KAM ON...

TASOL NOGAT.. EM BELHAT NOGUT TRU...

WANEM TAIM NAU? EM MAS TAIM BILONG MALOLO KLAB!

KAM ON! MALOLO KLAB INO KAM ON!

OL EMTV KUSAI STRET! OL ING PUTIM MALOLO KLAB! GAK?

YU ORAITO? EM PROGRAM BILONG OL PIKININI! SKUL I STAT NA PROGRAM I STOP!

### PNGFA kisim tok klia long sik AIDS

FAY DUEGA  
i raitim

OL WOKLAIN bilong PNG Nesenel Fores Atoriti (PNGFA) i bin sakrifaisim lans taim bilong ol long harim ol toktok long sik HIV/AIDS na wanem askim ol bin gat em ol tromeim long lain we i bin givim toktok long en.

Samting olsem 30 woklin i bin stap na harim ol lain long Anglikea Stop AIDS, han bilong Angliken Sios i helpim long kari-maut aweanes long daunim sik AIDS.

Wanem ol samting ol PNGFA woklain i no klia long en em ol bin kisim long dispela taim long ol voluntia woklain bilong Anglikea Stop AIDS.

Elsie Alele em wanpela voluntia wokmeri taim em i bekim askim long wanpela PNGFA woklin husat i bin askim olsem hu bai mipela i ken luksave

sapos manmeri i gat sik AIDS i bin tok ol man i no inap long luksave sapos manmeri i kisim sik nupela tasol.

Em bin tok klia olsem sik HIV em i narakain long AIDS.

Em bin tok narakain samting long ol em HIV em dispela binatang we i save kamapim sik AIDS.

Em bin mekim ol tok klia long dispela sik olsem taim sik AIDS i kisim nogut tru man, bai ol kain sik i kisim em. Dispel em ol sik olsem pekpek wara na ol kin sik olsem fku. Em bai lusim skin , gras na em bi i gat ol su long praiwet pats bilong em. Aipas tu em narapela sainmak long dispela sik.

Bilong bekim askim sapos HIV i save kamap long ol animel, Mis Alele i bin eksplenim olsem nogat, ol i painim tasol long ol man na i no long ol nimel o ol moskito.

Ol manmeri i save kisim sik AIDS long

pasin bilong slip wantaim n wokim pasin bilong ol marit, yusim nil i no klin long kisim sut na ol arapela sap samting na tu long rot we mama i givim long ol nupela pikinini ol i karim. Long ol dispela rot, slip wantaim narapela em dispela rot stret we sik i save kalap i go long narapela manmeri.

Anglikea i bin wokim raun i go long PNGFA olsem hp long wok bilong ol long mekim ol lain i gat dispela sik i luksave olsem ol inp long kisim helpim long ol ples ol i wok long en. Inap i kam nua, ol i mekim raun na toktok long moa long 400 bisnis haus pinis.

Long stap longpel taim na i gat gutpela helt, grup i bin tok olsem ol laain wantaim sik ya i mas bihainim ol gutpela helti pasin, kisim lav na kea long komyuniti na gat wanpela man tasol we yu ken slip wantaim long en na tu yusim kondom.

# Australia sapotim Bogenvil Mama Lo ripot

AUSTRALIA i sapotim namba wan draf o ripot long Mama Lo bilong nupela Bogenvil Gavman.

Ol i pinisim dispela namba wan ripot na Konstitusenel loya bilong gavman we i save lukautim ol dispela samting i sut long Mama Lo em Sir James Fraser i givim pinis ripot i go bek long Bogenvil Pipels Kongres Presiden Joseph Kabui.

Gavamn bilong Australia i bin fandim wok bilong Sir James wantaim manimak inap long K355,000. Dispela mani i bin helpim tu long karimaut ol wok bilong wokim ripot na tu ol

teknikel helpim long dispel wok.

Long ol wok i kam, ol memba bilong Bogenvil Konstitusenel Komiti (BCC) bai raun long olgeta hap bilong provins na prisnim dispela nambawan ripot bilong Mama Lo na kisim tingting bilong ol komyuniti na kisim tingting bilong ol gen long dispela samting.

Presiden Kabui taim em i kisim ripot long Sir James i singaut long ol eks paitman bilong wok hat na pinisim ol wok long bungim ol gan.

Em i askim strong ol eria we ol i no pinisim yet Stej 2 long

strongim wok na inapim dispela wok.

"Apil bilong mi em sapos ol i laikim trupela gavman bilong Bogenvil i kamap hariap, dispela gavman we bi gat pawa long lukautim Bogenvil, ol i mas pinisim Stej 2 bilong bungim na lusim ol gan,"Mista Kabui i tok.

Ol lida bilong ol eks paitman em Ishmael Toroama (lida bilong ol BRA) na Hilary Masiria (Resistens) i sapotim draf ripot long Mama Lo insait long wanpela stetmen na singaut long ol lain bilong ol long pinisim ol wok long Stej 2 bilong lusim ol gan.

## PNG gat bikpela sans long kamap strongpela kantri

MASKI taim nogut na Papua Niugini i stap long bikpela hevi tru long sait bilong ikenomi tasol wanpela samting we i soim olsem ol PNG pipel i strong tru em long kain strong bilong ol long stap laip long hat taim.

Niu Silan Hai Komisina Mista Seed husat i lusim kantri na i go bek long ples bilong em i tok wanpela samting we i save soim olsem ol PNG pipel i gat strong na save long sanap long lek bilong ol yet em long pasin ol i soim long dispela taim we ikenomi i no gutpela long kantri.

Mista Seed i tok tu olsem PNG em i gat planti gutpela risos na pipel husat inap long mekim wok tasol gavman na edministresen bilong ol dispela risos em wanpela hap we i sot liklik olsem na i gat hevi.

Em i tok sapos i gat gutpela edministresen na lukautim wantaim strongpela wok fos i kam long ol pipel bai PNG i winim tru planti kantri long Pasifik na kamap bikpela tru.

Mista Seed i tok long lukiuk bilong em ol pipel i gat strong long mekim wok tasol gavman sistem i mas wok


strong long lukim ol gutpela samting i mas kamap long bringim na sapotim gutpela developmen insait long kantri.

Em i tok PNG i gat planti rot i stap we em i ken kamap moa strong na bikpela na kamap nambawan kantri long sait bilong ikenomi na nogat wari long developmen tasol PNG em yet i no lukim dispela bikpela sans em i gat.

Mista Seed i tok em i gat bilip olsem gavman sistem yet i mas wok long bringim moa developmen i kam insait long PNG na ol pipel i gat dispela strong long lukim developmen insait long kantri.

Em i tok kantri bilong em Niu Silan em i wanpela liklik kantri tru na i nogat planti ol gutpela risos i stap long dispela kantri tasol nau em i stap olsem wanpela bikpela kantri long wol bikos long gutpela edministresen na gavman.

Mista Seed i tok PNG i gat moa graun na moa risos na ol pipel i gat gutpela tingting na hangare long lukim developmen na demokretik sistem bilong kantri yet bai helpim kantri.



**PNGDF lusim gutpela wokman... • Bodi bilong Leit Kepten Onesimus Gegera em ol soldia i kisim i go long haus lotu long Mande las wik. Leit Kepten Onesimus i bin dai long Melbourne we em i bin stap skul long wanpela skul bilong ol ami.**

## Togel no wanbel long Mama Lo

NOT Bogenvil memba James Togel i egensim pasin we komiti i wokim ripot bilong Mama Lo bilong nupela Bogenvil gavman i givim spesel arenjmen long ol ekspaitman.

Na em i mekim singaut long Bogenvil Konstitusenel Komisn (BCC) long rausim dispela spesel arenjmen.

Aninit long dispela arenjmen, ol i larim sikspela konstituensi long makim ol ekspaitman long en.

Mista Togel i tok dispela kain arenjment bai kamapim birra

na ol i mas rausim.

"Dispela arenjmen i no gutpela na bai kamapim birra.

Long nupela gavman na ol pipel bilong Bogenvil long en. Sapos ol i go het wantaim dispela, i gat pretpasin olsem ol ekspaitman bai go het long strongim ol tingting na sait bilong ol na dispela i no gutpela long ol pipel.

Rot bilong demokresi na gutpela gavman em long larim gavman we ol pipel bai fri long lukautim wantaim nogat hevi i kam long ol lain i holim ol gan

samting. Dispela arenjmen i no gutpela na ol i mas rausim," Mista Togel i tok.

Em i tok sapos BCC i larim dispela arenjmen, pretpasin bai stap yet namel long ol pipel.

Em i tok em i taim nau long ol eks paitman i soim luksave long long sivilien gavman i go pas long nupela Bogenvil gavman.

Namba wan draf ripot bilong nupela Bogenvil gavman Mama Lo i redi nau. Na Joseph Kabui em i siaman bilong dispela BCC.

# Praim Minista i tok PNG inap long planim rais

PRAIM minista bilong Papua Niugini Sir Michael Somare i tokaut olsem ol pipel long PNG bai i gat sans long groaim moa rais na gavman bai givim olgeta sapot long lukim dispela samting i ken go het yet.

Long dispela wik Sir Michael i bin bungim olgeta bisnis komyuniti insait long kantri long Mosbi na em i tokim ol olsem rais i inap long groa na kantri i no ken

givim mani long narapela kantri sapos yumi groaim.

Sir Michael i tok dispela samting bai i no inap long kamap hariap tru tasol em bai kisim moa taim na hat wok long kamap.

Em i tok i no gutpela pasin long tromoi mani tasol i i go insait long kain gutpela projek na lusim tingting long dispela tasol i gutpela long wokbung na givim sapot long dispela wok na

strongim na helpim ol groaim.

Sir Michael i tok kantri i save baim rais long K700 milien olgeta yia tasol dispela bikpela mani em yumi ken larim i stap insait long kantri yet.

Dispela wankain mani tasol i save go long baim wit na flaua tu long PNG na dispela mani em bikpela tumas i save lusim kantri na go aut bikos yumi yet i no inap long

groaim ol dispela kaikai.

"Yumi yet i ken groaim dispela rais na kaikai insait long PNG yet na putim dispela mani i go long ol narapela wok developmen insait long kantri sapos yumi tingting strong long groaim rais insait long kantri," Sir Michael i tok.

Em i tok planti ol save lain bai gat dispela tingting olsem rais bai hat tru long kamap long PNG tasol em

wankain toktok em i bin harim long 1977 we ol i tok bai hat long groaim suga long Ramu veli.

Sir Michael i tok dispela em yumi lukim nau pinis olsem kain toktok i no tru na Ramu veli i save saplaim kantri wantaim gutpela Ramu Suga we planti pipel long kantri i save yusim long kaikai bilong ol.

Em i tok ol pipel i gat strong long wok na em i gat

bilip olsem wankain wok we i kamap long Ramu Suga em yumi inap long mekim wankain samting wantaim rais insait long kantri.

Nau long dispela taim i gat moa rais faming insait long kantri tasol em i no bikpela tumas bikos ol famili i wok long planim bilong ol yet tasol moa wok i mas kamap yet long mekim kamapim moa bikpela long saplaim kantri.

# Wenge na Sali stretim tok pait

**ROSALYN ALBANIEL i raitim**

MOROBE Gavana, Luther Wenge, na Lod Meya bilong Lae siti, Boyamo Sali husat bin gat kros namel long tupela yet i sikan pinis na tok olsem bai tupela wok bung wantaim long traim long stretim bek Lae siti.

Long las wik, Mista Wenge wantaim Mista Sali wantaim ol teknikel opisa bilong tupela bin holim wanpela bung long Lae Intanesenel Hotel long traim long stretim dispela kros bilong tupela.

Dispela tok kros bin stat bihain long gavana i bin tokaut long pablik long Lae olsem bikos Lae Siti Kaunsel ino wok long wokim gut wok bilong ol planti samting insait long siti kain olsem lo na oda, men maket na tu ol pablik toilet i bagarap.

Na long dispela as

em bin tokaut olsem Morobe Provinsel Gavman i komitim sampela mani long haiarim ol manmeri bilong Morobe stret long stretim bek ol dispela samting. Mista Sali bin harim ol dispela toktok na ino bin wanbel.

Tasol, tupela i stretim pinis dispela kros na tupela tokaut long wanpela ripot we ol sainim wantaim olsem tupela nau bai wok bung wantaim long stretim na mekim Lae siti i kamap gut gen.

Dispela tupela lida tok olsem ol luksave olsem dispela tok kros bilong tupela ino gutpela na ino inap helpim long daunim ol hevi we ol manmeri insait long siti wok long bungim.

Long dispela miting tupela bungim het na tok bai wok bai go het bihainim dispela plen:

- Ol bai taitim namba bilong ol sekyuriti long ol bas stop, mein maket long traim long stapim ol stilman long

wokim wok bilong ol;

- Plen we gavana bin kamapim long kisim ol manmeri bilong Morobe stret long wokim wok sekyuriti insait long siti, long ol bas stop na mein maket na klinim pablik toilet, bai go yet;
- Morobe Provinsel Gavman bai givim mani bilong mekim ol dispela wok go long Siti Kaunsel husat bihain bai menesim dispela; na
- Ol manmeri na ol grup husat laik mekim ol dispela wok we gavana laikim mas ripot pastaim long Siti Kaunsel husat bai wokim wok olsem ol supavaisa bilong ol.

Mista Wenge long dispela miting i bin tok aut olsem emi laik lukim bai Tutumang, bilong Morobe, pasim wanpela lo we bai lukim bai Morobe Provinsel Gavman ken givim sampela gren mani go long Lae Siti Kaunsel long helpim ol wantaim wok blong ol insait long Lae.

# Plis redi long kotim ol trabel lain bilong NPF

**YAKAM KELO i raitim**

PLIS i sasim pinis wanpela biknem akaunten long sas bilong i no tok tru insait long kot bilong Nesenel Providen Fan (NPF) enkwairi. Man ya em Rex Paki.

Plis Komisina Sam Inguba i tokaut long dispela long Tunde dispela wik taim em i tokaut long wok bilong ol plis i go insait long wok painimaut long hevi bilong NPF.

Mista Inguba i tokaut olsem ol plisman bilong em i wokim wok i go het yet na ol i kamap long mak bilong sasim ol lain husat i bin mekim ol stil pasin long mani bilong ol pipel bilong Papua Niugini insait long NPF.

Plis Komisina i tokim ol plisman bilong em olsem wok ol i mekim i bikpela samting bikos ol inap kamautim ol ripot na rekot bilong ol stil pasin i bin kamap long NPF na traim long kotim ol lain i stap insait long dispela.

Ol lain i gat nem long ripot bilong hevi i kamap long NPF i bin paulim planti milien Kina bilong ol liklik manmeri bilong PNG olsem na ol pipel i kros long dispela long hia na tu long arapela kantri.

Em i tok Gavman i tromoi planti milien Kina tu long wok painimaut o kot bilong NPF enkwairi olsem na ol i mas holim na kotim tru ol lain i bin mekim pasin stil insait long NPF.

Em i tokim ol plisman tu olsem ol i bin mekim promis pinis long mekim wok bilong ol stret long karimaut lo bilong dispela kantri. Olsem na ol i no ken givim ol ripot i go aut nabaut long ol ausait lain nogut dispela bai bagarapim gutpela wok painimaut bilong ol. Bikos dispela wok em i bikpela samting, ol plisman i noken tokim wanpela man o grup o ol niusman long wok painimaut bilong ol insait long dispela NPF ripot.

I gat tripela wok paini-

maut i wok long kamap long dispela. Wanpela em NPF ripot bilong planti milien Kina i bin lus, pasin ol i baim NPF Tawa long Mosbi na narapela em Waigani graun we ol i yusim mani bilong NPF long baim.

Ol plisman i brukim ol yet i go long tripela grup long mekim wok painimaut i go insait long dispela tripela hevi.

Plis Komisina Sam Inguba i tokaut olsem kantri bilong yumi i gat strongpela pasin bilong demokrasi olsem na i gutpela long olgeta lain plis i gat kwesten long ol bai ol i mekim ol tok bekim bilong ol pastaim long tokaut long sait bilong stori bilong ol orait bihain bai pasin bilong lo yet i mekim wok bilong em bihain long dispela.

Mista Inguba i tok wok bilong bringim bek Jimmy Maladina i kam bek long PNG i kamap orait pinis na ol bai kisim Jimmy Maladina i kam bek long tokaut long kot. Mista

Maladina i bin siaman bilong NPF bipo taim NPF i bin bungim bikpela hevi long ol mani i paul. Em i go stap long Australia na i stap yet inap tude.

Em i tok ol i pinisim pinis fail bilong 7-pela lain we ol i bin kamap long NPF enkwairi kot olsem na ol i wetim tasol ripot bilong enkwairi siaman pastaim long plis i ken sasim ol lain ya.

Ol i pinisim gut fail bilong olgeta 35 lain we nem bilong ol i bin kamap long NPF ripot long mani bilong NPF i bin paul. Olsem na plis bai wok i go het tasol long stat kotim na sasim ol wanwan we ol i mas kisim sas bihainim lo bilong dispela kantri.

Em i tok dispela gavman bilong Somare na Marat i sanap long pait egensim na rausim ol stil na paol pasin insait long kantri. Olsem na ol plisman tu i kisim dispela olsem wok bilong ol long wok strong long stapim stil na paol pasin insait long kantri.


# WANTOK

NIUSPEPA BILONG YUMI PAPUA NIUGINI STRET

P.O Box 1982, Boroko  
Telepon namba: 325 2500  
Feks namba: 325 2579  
email: word@global.net.pg

PE BILONG WANPELA  
YIA 52 NIUSPEPA

PLES	AIR
PNG	K140.00
OSTRELIA NA NU SILAN	US\$67.00
ESIA PASIFIK NA JAPAN	US\$80.00
AMERIKA NA YUROP	US\$150.00



Amamas long oposisen lida...

- Ol memba bilong PDM i amamas long katim keik taim memba bilong Bulolo John Muingnepe i kamap oposisen lida.

## BIABIA BIABIA IGO KOT LONG MISUS OF PABLIK MONI.

## TASOL NOGIAT, JAS I NO ISI LONG BIABIA...

## EM TING EM BAI ISI TRU LONG WINIM KEKS BILONG EM...

## BIABIA IGO KARIM 8 YIAS HADLEBA...

# HRA i tok lukaut long ol projek bai bagarap

HELA Restoration Authority (HRA) i askim gavman bilong Somare na Marat long kam insait na lukluk long ol hevi bilong ol hariap o nogat bai gavman i lukim Kutubu, Moran, Hides na Porgera projek i pas.

Siaman bilong HRA Johnson Tia i tok bagarap i bin kamap long ol bilding long Sauten Hailans i soim gavman nau long wanem bikpela hevi moa inap kamap long bihain.

Mista Tia i tok sapos gavman ino kam insait long lukluk na stretim ol hevi bilong ol, bai gavman i ken lukim ol bagarap i kamap long ol bikpela projek nau i wok long kamap olsem long Kutubu, Moran na ol arapela hap.

Em i tok HRA i amamas long gutpela wok ekting Gavana Sir Peter Barter i wok long mekim tasol i gat sampela moa wok i stap yet long mekim na nau em taim nau.

Mipela ol Hela pipel i putim sapot bilong mipela bihain long gutpela wok Sir Peter Barter i mekim na mipela i laik lukim gutpela wok bilong em i go het long narapela step bilong bringim gutpela sindaun na senis long provins.

Ol wok olsem stretim gut ol rot, wokim rot long Tari, Porgera rot na kamapim rurel elektrifikesen skim we ol i mas yusim Hides ges, Mista Tia i tok.

Mista Tia i tok ol pipel i wet long lukim gutpela sindaun i kamap bai ol i ken go bek long mekim wok na sindaun bilong ol gen olsem na ol i askim gavman long mekim dispela samting i kamap.

Em i tok tu olsem ol pipel bilong Sauten Hailans yet i mas sanap na stap insait tu long dispela wok bilong mekim ol samting i ron gut gen bikos long ol bikpela hevi we i stap insait long dispela samting.

Ol Momase nius wantaim ROSALYN ALBANIEL

## Divine Word greduesen long dispela wiken

MAK olsem 343 sumatin long Divine Word Yunivesiti (DWU), long Madang, bai greduet long dispela skul long dispela wiken na ol opisa long hap tok olsem planti manmeri bai kamap long dispela taim.

Dispela em bai namba 21 greduesen bilong dispela skul na ol bai holim long nupela biding ol kolim long SVD Memorial Oditorium, we DWU bin opim long las yia.

Wokmeri long DWU, Rosemary Menadue, i bin tokim *Wantok* olsem Prais Minista, Sir Michael Somare, bai go pas long dispela bikpela bung.

Antap long dispela bai gat sampela arapela lida man husat bai kamap tu long dispela taim. Namel long ol em Minista bilong Fainens na Treseri Bart Philemon, Minista bilong Edukesen Michael Laimo, Sekreteri bilong Helt Dokta Nicholas Mann, Gavana bilong Is Sepik Arthur Somare na tu Gavana bilong Madang yet, James Yali.

Mis Menadue tok dispela bai wanpela bikpela greduesen stret.

Em tok ol dispela sumatin bai greduet wantaim ol pepa wantaim mak olsem setifiket, diploma na tu digri long sait bilong Teseri Distent Edukesen Kolis (TDES), Relijis Stadi, Jenerel Nasing, Bisnis Stadi, Komyunikesen Ats, Ats PNG, Helt Edministresen na Hospiteleti na Turisim.

Em tok dispela bai wanpela narakain greduesen bilong wanem long dispela taim ol bai givim wanpela spesol prais go long namba wan sumatin long sait bilong Helt Edministresen.

"Dispela em bai namba wan taim tru we DWU i givim dispela awod long Helt Edministresen, na sumatin husat bai kisim em Albert Sika," em i tok.

Long wankain taim tu DWU bai lonsim wanpela nupela progrem blong ol, ol kolim long Fekaiti bilong Helt Saiens na Helt Edukesen.

## Bosman laikim moa wok egensim sik AIDS

EKTING edministreta bilong Sandaun provins, Joseph Sungi, laikim bai Nesanel AIDS Kaunsel mas wok klostu wantaim provinsel edministresen bai ol inap long karim moa awenes blong sik HIV/AIDS go long ol pipel long hap.

Mista Sungi tok olsem Sandaun provins em wanpela insait long PNG we namba bilong ol manmeri husat gat dispela sik wok long go antap na moa wok mas kamap

insait long provins long traim long daunim dispela.

Mista Sungi bin mekim dispela toktok long opening bilong wanpela woksop we bin kamap long Vanimo long las wiken.

Long dispela taim em askim ol provinsel AIDS komiti long yusim ol netwok blong ol insait long provins long karimaut pait bilong ol egensim dispela sik.

Em tok bikos Sandaun em

wanpela ples we i stap long we tru long ol arapela, planti ol manmeri long hap ino save rit na rait na ol lain long provins mas painim ol kain rot long traim long stapim dispela sik long go bikpela.

Dispela em bin nambawan taim tru we kain woksop bin kamap long kain liklik ples olsem Sandaun na Westen provins na as tingting blong dispela em long kamapim wanpela siks mun plen blong HIV/AIDS plen.

Ol lain husat bin i go pas long dispela bung em Ann David, Vincent Manukayasi, Lesley Bola, Delta Passingan Bongare na wanpela arapela opisa blong Nesanel AIDS Kaunsel.

Ol lain bilong Westen provins ino bin kamap maski dispela em bin bung bilong ol tasol dispela ino stapim ol arapela manmeri long Sandaun long kamap long dispela taim progrem i bin go het.



### Strongim gaden

• Papa wantaim pikinini i amamas long taim nogut i pinis na gutpela taim i kamap we ol kaikai long gaden i groa gen. *Fail foto.*

# Sawanga laikim gutpela nem bilong Bumayong hai skul

SIAMAN bilong Bumayong Sekendri Skul (BSS), Jacob Sawanga, i salensim ol tisa long wok hat bai dispela skul i ken kisim bek taitel we em bin holim bipo olsem namba wan skul insait long Lae siti na tu long Morobe provins.

Mista Sawanga i bin givim dispela salens long ol tisa bilong BSS long wanpela bung em bin holim wantaim ol long las wik.

Em tok olsem planti ol samting long dispela skul ino moa olsem bipo. Ol planti klasrum i bruk nambaut na bikpela samting em risal bilong ol sumatin long 10-pela krismas go pinis i go daun nogut tru.

Em tok olsem wantaim dispela nupela skul yia em wantaim kaunsel blong em wok long lukluk nau long ol tisa long traim long stretim dispela.

Em tok olsem maski skul nogat inap mani long karimaut ol progrem blong ol, em bilip strong tru olsem ol inap long wokim wok blong ol gut olsem ol tisa wantaim liklik mani we stap. Tasol long wokim dispela bilip karim kaikai ol tisa mas komitit ol yet

long wok blong ol na antap long dispela mas gat gutpela wok bung wantaim mas stap.

"BSS i noken kamap olsem wanpela ples blong ol tisa o ol sumatin long kam na painim malolo, nogat em mas kamap wanpela ples we ol sumatin ken kam na kisim gutpela save na tingting.

"Long taim nau planti manmeri save luk daun long BSS. Ol save ting olsem dispela em wanpela rabis skul we ol tisa husat nogat hap ples long go save go wok na antap long dispela wanpela ples we ol i ken tromoi ol sumatin we ol ting ino inap skul gut," em tok.

Em tok nau em taim long senisim dispela kain tingting.

Em tok strong olsem ol tisa na ol sumatin ino ken lukdaun long ol yet.

"Sapos ol skul kain olsem Lae Sekendri Skul inap kamapim gutpela risal, yupela tu inap tasol dispela i no nap kam nating olsem mi tok. Yupela mas wok hat," em tok.

Long wankain taim Siaman bilong BSS tokaut olsem em

amamas olsem maski BSS ino stap namba wan skul insait long Lae ol risal bilong ol i gutpela.

Siaman blong BSS tok olsem 2003 em taim bilong lukluk go het long ol gutpela samting we bai kamap insait long BSS.

Long las wik Fonde ol tisa bilong BSS bin holim wanpela bung tu long selebretim opening bilong tupela nupela haus blong ol tisa blong ol.

Wanpela bilong ol dispela haus em dabol we tupela tisa bai slip long wan wan na narapela em wanpela dabol stori we Seplin bilong skul na famili bilong em bai yusim.

Prinsipel bilong BSS, Gisuwat Siniwin, i bin tok olsem mak blong sanapim ol dispela tupela haus kisim mak olsem K91,000.

Mista Siniwin tok olsem skul bin bungim planti hevi we ol sot long haus long givim ol tisa bilong em na bod bilong skul bin givim tok orait long sanapim dispela ol haus wantaim liklik mani we skul gat stap.

Mista Sawanga bin opim dispela tupela haus.

## Baset bilong Madang provins i no stret yet

PROVINSSEL asembli bilong Madang provins bai bung gen tudei (Fonde Februari 6, 2003) long pasim 2003 baset bilong ol.

Dispela em bihain long Fainens na Treseri ino oraitim K47 milien baset bilong provins we Madang Gavana, James Yali, wantaim ol opisa bilong em i bin karim go long Pot Mosbi long las wik long kisim tok orait.

Fainens na Treseri bin askim bai Mista Yali wantaim gavman bilong em i mekim sampela senis bihain long ol bin painim sampela asua insait long dispela baset.

Namel long dispela ol senis we ol lain long Waigani i askim bai provinsel gavman bilong Madang mas kamapim em appropriation bill na tu putim insait ol arapela vot insait long baset we ol bin asua na ino putim go insait long namba wan baset we ol bin kamapim.

Gavana James Yali i bin tok aut olsem ol provinsel opisa bin asua liklik na ol ino bin raitim insait kain ol samting olsem ol liv fea bilong ol tisa, sampela ol entaitelmens bilong ol tisa, Ramu Oil Palm Prosek na antap long dispela em fans bilong ol wanwan memba bilong ilektoret bilong Madang.

Mista Yali tok mak blong olgeta ol dispela i kisim olsem K2.7 milien we ol opisa husat bin kamapim baset bilong provins bin asua long em.

Em tok olsem em bin bung wantaim ol wokman blong provinsel edministresen long Mandu na bin

tokaut long ol dispela ol asua na long wankain taim askim bai ol stretim bai Provinsel Eksekutiv Kaunsel ken bung long Tunde long mekim kamap na bihain salim go long provinsel asembli na bihain go bek long Fainens na Treseri.

I bin i gat bikpela kros i long dispela baset blong wanem ol wokman blong provinsel edministresen ino bin wanbel long gavana kisim ol konsalten long helpim long kamapim dispela baset. Na i bin gat tok strong olsem Fainens na Treseri bai ino inap yesa long dispela baset.

Mista Yali long wanpela bekim bilong em bin tok olsem em olsem het bilong provins i gat rait long kisim ol dispela ol konsalten long helpim em long kamapim wanpela baset we bai gutpela long provins.

"Mi bin harim toktok bilong ol wokman bilong provinsel gavman na tu ol dispela lain long kamapim wanpela baset we bai karim gutpela kaikai insait long provins. Mi ino bin wokim dispela pasin long daunim ol wokman bilong mi," Em tok.

Moa long dispela em tok olsem em bin yusim mani aninit long lukaut bilong em long baim balus tiket na haus slip bilong Isaac Lupari, husat bin wanpela bilong ol dispela konsalten, bilong wanpela dei tasol.

Em tok ol dispela lain ino bin sasim wanpela fi long sevis ol bin givim long em na provins bilong Madang.

## Kefamo pipel kamapim Operesen Klinim Hauslain

WANPELA komyuniti long Isten Hailans provins i kamapim wanpela wok long traim helpim long kontrolim na mekim kamap gutpela lo na oda insait long ples na eria bilong ol.

Kefamo Lo na Oda Komiti i kamapim wanpela wok we ol i kolim Operesen Klinim Hauslain we ol pipel yet i kamapim na em i olsem wanpela nupela samting ol i no save lukim insait long provins.

Long taim bilong lonsim dispela wok o projek sampela sinia pablik sevens long provinsal edministresen i witnes na ol i givim bikpela sapot long dispela wok bilong ol pipel bilong Kefamo.

Ol bik lain husat i witnesim dispela lonsing em Goroka Distrik Edministreta Bill Kavanamur, Provinsal Plis Komanda, provinsal loya Noso Teninge na lands edvaisa Ralph Siove.

Kefamo Lo na Oda Komiti i tokaut long 12-pela lo we ol bai wok strong long kamapim long helpim komyuniti i ken kamap gutpela ples na nogat hevi long raskol pasin i ken kamap long komyuniti.

Sampela samting ol i toktok long en em long husat ol lain i raun insait long graun o gaden bilong narapela lain bai ol i baim K50 fain na sapos ol i no baim dispela fain bai ol i go long kalabus.

Narapela fain em bilong ol lain

husat i laik pilai kas bai ol i baim K10 na nogat mani bai ol i go kalabus tupela wik na ol lain husat i stil bai givim K150 na ol ausait long husat i kam insait long Kefamo komyuniti na stil bai ol i baim K100. Nogat bai ol i go kalabus tupela wik tu.

Ol lain husat komiti i painimaut olsem ol i save planim mariwana bai ol i go stret long han bilong plis na plis yet bai givim mekim save long ol.

Olgeta pikinini i mas go long skul na sapos ol i no go long skul bai komiti i salim papamama bilong ol i go silip long kalabus wanpela nait.

Setelmen lain bai ol i muv i go bek long ples bilong ol yet na komiti bai kamapim wanpela task fos long rausim ol.

Husat ol lain i yusim ol bus olsem toilet bai baim K10 na ol papagraun i tambu tru long salim graun bilong ol i go long ol narapela ausait lain. Ol pik i mas stap insait long haus bilong papa bilong ol pik na noken raun nating insait long taun eria.

Mista Kavanamur i tok gutpela sindaun long Kefamo em i stap namba wan tingting bilong ol pipel olsem na ol i laik kamapim dispela wok.

Em i tok amamas tru long gutpela tingting bilong ol pipel na em i tok bai ol atoriti i givim olgeta sapot ol i gat long helpim dispela plen i ken kamap gutpela moa.

# Sir Matiabe laikim pipel yet mekim plis wok

HILDA WAYNE i raitim

OL PIPEL bilong Sauten Hailans i laikim tru gutpela wok we ekting gavana bilong provins Sir Peter Barter i wok long mekim long bringim gutpela lo na oda i go bek long dispela trabel provins.

Sinia lidaman bilong provins Sir Matiabe Yuwi i tok wanpela hevi we gavman i mas lukluk long en em long strongim plis wok insait long provins na moa yet em long Hela distrik.

Sir Matiabe i tok taim Sir Peter i go insait long provins wanpela bikpela samting em long strongim plis fos na ol difens fos wantaim i go insait long mekim dispela wok.

"Taim difens fos na plis i laik lusim ples orait i mas i gat sampela rot bilong strongim plis wok insait long distrik na wanpela rot em long soim ol man insait long distrik yet long mekim plis wok," Sir Matiabe i tok.

Em i tok long lukluk bilong em i gat planti strongpela man na ol yangpela pipel insait long distrik yet i stap na ol dispela lain i ken

go het long surukim gutpela wok bilong plis long wanwan konsituensi.

"Plis i ken lainim ol dispela pipel long ples long ol we bilong mekim plis wok na ol lain long ples i ken kamap aksileri plis na ol yet i ken wok long strongim gutpela lo na oda insait long distrik," Sir Matiabe i tok.

Em i tok plis i stap nau tasol gavman i wok long lusim planti mani long bringim ol plis na difens fos long Mosbi, Wabag na Hagen i save go long Sauten Hailans na ol trabel distrik tasol bai ol dispela plis i lusim ples wanpela taim.

Tasol pastaim long ol i lusim ol ples ol i go insait long en long bringim bek gutpela lo na oda, ol i mas givim gutpela trening long ol pipel insait long ol distrik na lainim ol long mekim gutpela plis wok long distrik bilong ol yet.

Sir Matiabe i tok moa olsem insait long Hela i gat faipela distrik na bai moa gutpela sapos i gat wanwan plis stesen na 20 aksileri plis long dispela wanwan stesen na ol papagraun na asples yet i ken gat hevi long kamapim gutpela lo na oda

sapos ol i ken kisim moa trening i kam long gavman na plis dipatmen.

"Gavman bai i no inap wari long bildim haus bilong ol dispela plis bilong ples yet tasol em i ken tingim ol long sampela liklik poket mani bilong strongim wok bilong ol long distrik," Sir Matiabe i tok.

Em i tok dispela kain wok em ol i bin mekim pinis long wanpela distrik long provins na bai moa gutpela sapos moa kain wok i ken kamap long olgeta hap long provins na larim gutpela sindaun i ken kamap moa yet long Sauten Hailans.

Sir Matiabe i tok taim ol pipel yet i karim hevi long han bilong ol yet long mekim wok bilong plis bai ol pipel i ken harim toktok bikos ol pipel bai lukim olsem em ol lain bilong ol yet i traim long wok hat long kamapim gutpela sindaun bilong ol yet insait long ol distrik.

Em i tok olgeta lida na politisen insait long provins i mas wokbung wantaim Sir Peter na sapotim em long ol gutpela wok em i laik mekim insait long provins.

## Wingti no sanap long fri edukesen ileksen promis

WESTEN Hailans gavana Paias Wingti i no bin mekim wanpela tok promis long baim skul fi bilong ol skul pikinini long provins bilong em na dispela em wok bilong ol papamama yet long karim.

Sampela komyuniti lida long Westen Hailans provins i laik save sapos gavana bilong provins Mista Wingti bai sanap long toktok bilong em long baim skul fi bilong ol pikinini insait long provinsal baset.

Ol lidas ya i tokaut olsem Mista Wingti i bin mekim planti tok promis olsem fri edukesen bai stap yet na gavman bilong em bai helpim long baim skul fi bilong ol pikinini tasol nau Mista Wingti i no stap insait long gavman na dispela toktok i no inap long kamap tru.

Dispela askim i kam long sampela lida husat i laik save sapos Mista Wingti bai sanap long promis bilong em we em i bin mekim long taim bilong ileksen kempein.

Tasol provinsal fainens siaman Nathan Wantepe i tok dispela tok promis we Mista Wingti i bin mekim em i no long provinsal level tasol em i long nesenel level.

Mista Wantepe i tokaut klia olsem Mista Wingti i no tok promis olsem em bai baim skul

fi bilong pikinini long provinsal level tasol em i tok fri edukesen bai stap olsem wanpela polisi bilong em sapos ol pipel i givim em sans long fomim gavman long nesenel level.

Sampela lida i tok long taim bilong ileksen kempein Mista Wingti i bin givim sampela kat i go long ol pipel long sainim nem bilong ol na sapos em i win bai ol i ken askim wanem samting ol i laikim na em bai givim long ol.

Mista Wantepe i tok nau yumi lukim pinis olsem Mista Wingti i no stap long pawa long traim mekim tingting bilong em i kamap tru long nesenel level olsem na wok bai go bek long ol papamama long baim skul fi bilong pikinini bilong ol yet.

Em i tok ol lida long komyuniti i noken yusim politiks long dispela samting na ol i mas karim hevi long baim skul fi bilong ol pikinini bilong ol yet.

Mista Wantepe i tok provinsal baset i go insait pinis na nesenel gavman i givim tok orait long dispela baset na ol i mas wet tasol long lukim ol helpim we bai kam insait long dispela baset tasol skul fi em wok bilong ol papamama long lukluk i go insait long en.

Ol lidas i laikim bai Mista Wingti i lusim ol wok mentenens we em



• Planti toktok olsem Paias Wingti (wantaim nektal) i no sanap tru long fri edukesen ileksen promis bilong em. Fail foto.

i wok long putim planti mani i go insait long stretim na larim moa mani we i go long wok mentenens i ken go

insait long helpim ol papamama long baim skul fi bilong ol pikinini. Planti papamama i wok long stap redi long

salim ol pikinini i go long skul nau long dispela taim tasol nogat fri edukesen nau bai i hat liklik.

## Lida tok senisim olgeta pablik sevens long SHP

SAPOS gavman bilong Papua Niugini i laik lukim tru seni i go insait long pablik sevis bilong Sauten Hailans provinsal gavman orait em i mas rausim olgeta bipo wok lain insait long dispela provins.

Dispela toktok i kam long bipo memba na wanpela mausman bilong Hela distrik, Sir Matiabe Yuwi.

Sir Matiabe i tok stil na hait pasin insait long provins i lukim planti mani bilong provins i lus olgeta bikos ol politisen i mekim pasin korapsen insait long provinsal gavman.

"Olgeta gavman pablik sevens insait long Sauten Hailans edministresen stat long edministreta i go daun olgeta long lokol level gavman level i mas noken stap insait long wanpela ristoresen wok we i laik kamap long provins," Sir Matiabe i tok.

Sir Matiabe i tok ol pablik sevens tasol i wok long paulim na bagarapim ol mani bilong ol pipel long provins na nogat wanpela gutpela sevis i go long ol pipel.

Em i tok pasin korapsen i mekim olgeta mani bilong ol pipel i paul na gutpela seni i no kamap insait long provins maski provins i stap nambawan long kantri long i gat moa maining risos.

"Dispela ol hait na stil lain i stap insait long pablik sevis bilong provins i noken stap sapos gavman na pipel i laikim tru developmen long kamap. Sapos gavman i larim ol dispela lain i stap insait long edministresen yet bai em i kamap olsem wanpela sik kensa bikos ol dispela lain i ken haitim na stilim gen mani bilong ol pipel bikos ol i save long wanem rot ol i ken mekim olsem," Sir Matiabe i tok.

Em i tok sapos gavman i pilim olsem sampela pablik sevens insait long provins bilong bipo edministresen i gutpela wok lain orait ol i ken trensefaim ol i go long narapela hap long kantri na nupela lain bilong narapela hap i ken kam insait long helpim long mekim ol edministresen wok.

"Pawa i stap long ol pipel long senisim ol politisen tasol gavman i gat pawa long senisim ol pablik sevens na gavman bilong Sir Michael Somare i mas mekim dispela samting sapos yumi laikim tru developmen i kamap long provins," Sir Matiabe i tok.

Em i tok ol pipel i gat iau na ai na ol i save pinis long kain giaman bilong ol politisen husat i save yusim na bagarapim ol gutpela risos bilong provins.

## Nangina Tanga Komiti makim maus bilong Bakovi pipel

SIAMAN bilong Nangina Tanga Komiti bilong ol Bakovi pipel bilong Wes Nu Briten provins, Joe Ipah i tokaut olsem dispela komiti bai wok strong long helpim long bringim ol gutpela developmen i go insait long Talasea eria.

Mista Ipah i tok dispela komiti em i no gat wanpela intres o tingting long politiks tasol bikpela tingting bilong em long makim maus bilong ol Bakovi pipel na helpim long toktok na bringim ol gutpela developmen i kam insait long ples na komyuniti.

"Bikpela tingting bilong mipela em long eduketim na givim gutpela edvais long ol samting long helpim sosol, tingting na sait bilong spirit tu em ol Bakovi pipel i mas kisim helpim na gutpela developmen," Mista Ipah i tok.

Em i tok wanem kain rot we i kamap long stapim ol gutpela developmen na gavman sevis insait Talasea eria bai dispela komiti bai wok strong long toktok moa na opim rot long developmen i mas go het.

Mista Ipah i tok dispela komiti bai toktok long raits bilong ol Talasea pipel na ol bai mekim moa wok long strongim olgeta dispela rot bilong developmen insait long eria.

Wanpela samting we komiti i wok long pait strong yet long dispela em long developmen bilong Talasea ples balus we i kamap long graun bilong ol Bakovi pipel.

Mista Ipah i tok wanem as tru na provinsal gavman i bin stapim dispela gutpela wok long ples balus em ol pipel bilong Wes Nu Briten na moa yet em ol Bakovi pipel i wok long wet yet long save bilong wanem na ples balus i pas.

Em i tok long lukluk bilong ol pipel bilong Talasea, ol i lukim olsem plen bilong gavana bilong provins em i laik stapim wok long Talasea na bringim ples balus i go bek long Hoskins na dispela em i no gutpela pasin ol atoriti i soim long ol Bakovi pipel.

Mista Ipah i tok ol Bakovi pipel i bin givim gutpela sapat na rispek long gavana tru long vot na dispela em i wanpela samting we ol atoriti i mas lukluk na larim dispela wok developmen i go het yet.

Em i tok i gat planti askim i stap long stapim bilong wok long ples balus na ol pipel i wok long stap isi na wet tasol i stap.

Maski olgeta wok i no kamap gen long Talasea ples balus, ol Bakovi pipel i lukautim yet ol nupela developmen long hap na ol wet tasol long lukim wanem samting bai kamap long dispela gutpela developmen long ples bilong ol.

Mista Ipah i tok Hoskins ples balus bai hat long developim gen bikos long smok bilong maunten paia na ol atoriti i mas wanbel na larim dispela ol gutpela wok long Talasea ples balus i ken go het yet na ol atoriti i mas mekim wanpela gutpela disisen hariap na wok i mas stat gen.

## Moa Sekonderi skul long Is Nu Briten

### ONIA MANO i raitim

IS NU Briten Provinsel Gavman i helpim long kamapim moa sekonderi skul bikos em i laik daunim hevi long ol sumatin i save drop aut long skul sistem.

Wanpela we em i givim dispela helpim em long ranim na fandim foapela moa sekonderi skul na tupela praivet institusen.

Foapela skul em long Utmei, Malabunga, Kokopo na Kerevat.

Malabunga i bin kamap olsem Sekonderi skul long 2001 na Utmei na Kokopo em ol i stat long dispela yia taim rot we Kerevat bai go long en i stap long han bilong Nesenel Gavman.

Tupela praivet skul em long Don Bosco we Katolik Sios i ranim na Kambubu we Seven De Etventis Sios i papa long en. Tupela skul i operet long planti yia pinis nau.

Is Nu Briten Provinsel Edministreta Aquila Tubal i bin tokaut long dispela samting taim em i toktok long wanpela stadi provins i wokim long

painim gutpela rot long helpim ol sumatin husat i save drop aut long hai skul sistem.

Em bin tok tupela praivet skul tu ya bai kisim moa sumatin, maski ol skul fi i go antap. Long ol dispela husat i bin mekim gut na skruim skul o ol i kisim ofa, em i tok amamas long ol tasol em bin strongim ol long wokim gut. Tasol long ol dispela husat i no bin kisim ofa, em bin strongim ol tu long agretim ol mak bilong ol long Is Nu Briten Yunivesiti Senta na Matrikulesen seksen.

Em bin tok tu olsem long neks yia 2004, Kerevat Nesenel Hai Skul bai kam aninit long han bilong provinseal gavman.

Em i tok long dispela yia, provinsel edministresen bai wok wantaim Nesenel Gavman na Edukesen Dipatmen long ranim skul na karimaut ol wok mentenes.

Is Nu Briten Edministresen i wokim pinis wanpela sabmisen long K3 milien long karimaut ful mentenes projek bilong Kerevat.

Mista Tubal i tok long nau, Kerevat Nesenel Hai na skul eria i luk olsem wanpela

setelmen kompaun na i no gutpela moa olsem long ol yia bipo inap long namel bilong ol yia long 1980.

Em bin tok ol bai makim nupela bod na em bai kamapim ol strik rul na ol bikhet sumatin bai kisim taim o ol i kisim ofa, em i tok amamas long ol tasol em bin strongim ol long wokim gut.

"Ripot bilong dispela skul (Kerevat) na ol arapela nesenel hai skul i wok long go nogut bikos long bikhet pasih bilong ol sumatin. Ol i wokim ol samting long lain bilong ol olsem ol i stap long ples na haus bilong ol. Ol i sakim tok bilong ol tisa, ol woklain long skul na tu long ol papamama bilong ol long ples," Mista Tubal i bin tok.

Em i tok long ol sumatin long Is Nu Briten husat i bin sindaun long Gret 10, ol bin kisim 522 long Gret 11 na dispela i wok long daunim ol hevi long ol sumatin i stap nating.

Em i tok taim ol i stretim ol samting long Kerevat, em bai kisim moa sumatin na tu insait long tupela yia i kam, ol bai kirapim narapela sekonderi skul.

## Ol Wes kea senta bai stap yet

OL KEA senta insait long Kimbe, Wes Nu Briten provins i sanap yet, maski planti lain husat i bin stap long en taim Maunten Paia Pago i bin pairap na kamapim hevi long Ogas las yia i go pinis nau long ol ples bilong ol.

Tasol liklik lain i stap long lukautim ol samting long hap.

Wes Nu Briten Provinsel Edministreta William Padio i tok ol i no rausim ol kea senta bikos nogat man i save wanem samting inap kamap long Maunten paia Pago. Na inap ol saientis o saveman i toksave long ol, ol bai i no inap long rausim yet tasol larim ol kea senta haus i sanap i stap yet.

Long taim bilong Maunten paia Pago hevi, namel long 15,000 na 20,000 pipel i bin stap long sevenpela kea senta long Kimbe.

Tasol long Novemba 2002, Provinsel Gavman na Provinsel Disasta Komiti i bin wokim disisen olsem samting i orait na ol pipel i ken go bek long ol wan wan ples bilong ol.

Mista Padio i bin tokim Wantok olsem ol atoriti i no bin fosim ol pipel long go long ples tasol long wokim olsem long laik bilong ol.

Em i tok tupela komiti ya (Provinsel Disasta Komiti na Provinsel Gavman) i wok long helpim nau wantaim rehabilitesen o helpim ol manmeri i go bek sindaun long ples.

# Odita sekim Wes Nu Briten Tras Fan ripot buk

### VERONICA HATUTASI i raitim

OL ODITA o ol akaunten husat i save glasim na skelim ol ripot buk long rot we ol kampani, gavman na ogenaisesen i save yusim mani long em i sekim nau ol ripot buk bilong Wes Nu Briten Provinsel Gavman we i save lukautim Nu Briten Welpam Tras Akaun Fan (NBOPFTA), ol ripot i kam long provins i tok.

Ombutsmen Komisn i bin pasim dispela NPOPTFA las yia bihainim ol ripot olsem sampela paul pasin i bin kamap long rot we ol i wok long yusim mani long en.

Insait long olgeta sikipela mun, Nu Briten Wel Pam kampani i save peim K3 milien dividen peimen i go long NBOPTA.

Dispela mani em provinseal gavman i putim long yusim long ol sevis projek we i helpim komyuniti olsem long helt, edukesen, ikonmik na sosel sevis.

Ripot i tok ol bin kamapim sampela mani long dispela tras fan, ol bin baim provinseal sip em "MV Ellie Tanya" long en.

Bikos long sampela samting i no bin stret, Ombutsmen Komisn long las yia i bin pasim akaun



• Welpam provins i pulap tu long ol kokonas. Ol pieslain bilong ples Pangalu long Talasea i redi long wok long kokonas blok bilong ol.

inap long nau yet. Na em bin stapim NBOP long peim dispela hap mani long akaun inap long ol i karimaut ol wok painimaut long en.

Ripot i tok Provinsel Gavman i bin skelim ol mani

long tripela eria long yusim mani long en. Dispela em 20 pesen i go long Edministresen, 30 pesen long ol Sosel Sevis na 50 pesen long Saplimenter Baset.

Ripot i tok menesmen

long dispela tras fan i no bin gutpela tumas na long dispela, ol hevi i kamap na Ombutsmen i bin stapim NBOP long stapim peimen na long pasim akaun inap ol i karimaut ol wok painimaut.

Ripot i tok nau ol odita

wok long sekim ol buk olsem hap long dispela wok paini aut.

Wantok i no bin inap long kisim sampela toktok long Wes Nu Briten Provinsel Edministret long dispela samting.

# Minista i amamas long turisim muv insait long Galf provins

MINISTA bilong kalsa na turisim, Alois Kingsley i tok amamas na kongretuletim Galf provinsel gavman long kirapim ken wok turisim insait long provins.

Mista Kingsley tok ol arapela ol provins tu i mas bihainim eksampol bilong Galf provinsel gavman.

"Wok turisim i bai help kisim planti mani ikam insait long kantri sapos olgeta sekta na komuniti wok bung wantaim na menejijim gut wok turisim," mista Kingsley i tok.

"Ol wanwan provinsel gavman

i mas wok hat long kamapim turisim na mi amamas long inisitiv bilong Galf provins."

Mista Kingsley tok ol i edvaisim nupela turisim bod na Turisim Promosen Otoriti (TPA) long impruvim na strongim lokel patispesen na kamapim nupela maket bilong PNG olsem wanpela turis destinesen.

Em tok ol i dairektim TPA long involvim planti ol lokel man meri long mekim wok turisim na tu ol bai introdusim wanpela nupela inisitiv ol i kolim "hom stei program" long inkrisim lokel

patispesen.

Minista Kingsley tok nau TPA bod i wok long lukluk long ol wei long inkrisim namba bilong ol turis insait long kantri na sapos olgeta sekta i wok bung wantaim yumi ken bringim planti turis kam insait long kantri.

"Efot bilong Galf provinsel gavman, i soim rait daireksen," em tok.

Mista Kingsley askim Galf provinsel gavman long wok klostu wantaim TPA na Nesenel Kaiserele Komisen long impruvim turisim sekta insait long provins.

# Papamama i mas rispek tim disisen bilong yunivesiti: Vais Sansela i tok

Vais Sansela bilong Yunivesiti ov Papua Niugini (UPNG), Profesa Les Eastcott tok i gat sampela ol papamama husat i save fosim ol staf bilong skul long putim pikinini bilong ol bek long skul.

Dispela ol sumatin em ol i feil pinis na ino stap long yesa lis bilong go bek long skul.

Profesa. Eastcott tok ol papamama i mas stopim dispela kain pasin na noken givim hat wok long ol skul woklain.

Sampela ol papamama i wok long mekim wok bilong ol skul woklain i hat nogut tru na i save fosim ol long givim spes long pikinini bilong ol.

"Yunivesiti i save yusim kwota sistem long rikrutim ol pikinini na spes long kisim ol sumatin em inap long skel bilong moni we gavman i tilim long yunivesiti.

"Long dispela yia, gavman i rausim K1.7 milien long fandin ol i save givim skul olsem na namba bilong speis long kisim ol pikinini tu igo daun," em tok.

Profesa Eastcott tok em ino no wanbel long wanem ol papamama i

save putim planti hevi i go antap long ol eksekutyiv din na eksekutyiv opisa.

Profesa Eastcott tok amamas long ol woklain husat ino bihainim toktok bilong ol papamama na ol i bihainim skul sistem long selektim ol sumatin.

Em tok ol presa we papamama i putim antap long skul ino gutpela bikos ol i wok hat long kamapim gutpela mak long olgeta program long helpim ol sumatin kisim digri na diploma.

Profesa. Eastcott tok ol ino selektim sampela nupela sumatin na ol sumatin husat i go het bikos ol ino kamap wantaim minimem Gret Poin everes (GPA).

Sampela taim tu enrolmen bilong skul i mas inap long fandim we skul i save kisim long wanwan skul yia.

UPNG i save painim aut olsem i save gat planti sumatin i gat gutpela gret tasol spes long kisim ol i no planti.

Profesa Eastcott tok igat sampela ol papamama husat i painim hat long ting olsem pikinini bilong ol i feil na ino nap go het wantaim skul bikos ol i no

kamap long dispela GPA mak.

"Ol eksekutyiv din i save kisim planti hevi long dispela kain lain long enrolim pikinini bilong ol. Mipela ting dispela em rong na UPNG bai no nap harim tok bilong ol," em tok.

Ol papamama i mas save gut olsem pikinini bilong ol ino mekim gut long skul bikos ol ino harim gut tisa long skul na mekim wok.

Profesa Eastcott tok nogut sampela taim ol pikinini i les long skul olsem na ol i no save bisi long skul na mekim gut skul wok.

Ol rekot tu i soim olsem ol pikinini husat i save feil ino save mekim gut skul taim ol i save givim ol sans gen long skul.

"Dispela bai westim taim na mani bilong ol sumatin yet na ol papamama bilong ol," em tok.

Profesa Eastcott tokim ol papamama olsem ol i no inap selektim ol sumatin bikos ol i laikim ol moa long narapela. Nogat. Tasol ol bai lukluk long skul wok bilong wanwan sumatin na selektim ol long wok bilong ol yet.



• Ol manmeri i bin bung long witesim lonsing bilong Kikori Timba projek insait long Galf long 1993. Tasol dispela projek i no bringim planti mani insait long provins. Nau Galf provinsel gavman i lukluk long turisim long mekim mani.

# Japan gavman i helpim Sananada skul long Oro provins

GAVMAN bilong Japan i givim K150,000 long Sananada elementri skul insait long Oro provins long helpim skul i stretim gut ol skul bilding na ol samting.

Tatsuo Tanaka, embesada bilong Japan na siaman bilong Sananada Elementri skul, Mista Lucian Euga i sainim wanpela gren kontrak long embasi bilong Japan long Mande.

Mani bilong karim aut dispela wok insait long skul i kam aninit long Japanese Gren Asistens bilong gras rut projek (GGP) program.

Skul ya bai yusim dispela mani long bildim wanpela dabol klasrum, skul banis na sanapim ol skul samting olsem kabot, sia, tebol, wara saplai tenk na sola pawa samting long kamapim mak bilong PNG gavman edukesen rifom.

edukesen rifom na long dispela yia ol pikinini bilong Sananada, Killerton na Gagara viles bai skul long hap.

Namba bilong ol sumatin na ol pipel long hap bai dabol o kamap planti long yia 2005.

Japanese gavman GGP program i lukim edukesen olsem wanpela impoten o bikipela eria we i mas gat planti helpim long developim PNG.

Long nau dispela ol lain husat bai benefit long helpim bilong Japan em 110 pikinini na ol tisa bilong Sananada elementri skul.

Tasol long bihain taim planti moa sumatin na ol pipel insait long dispela wanpela skul distrik tu bai benefit long dispela projek.

Japan i mekim dispela fanding long strongim wok bung wantaim bilong em wantaim Papua Niugini.

# NCDC i peim wara bilong 92 skul insait long NCD

ESTHER HARO i raitim

NESENEL Kapitell Distrik Komisen (NCDC) i peim pinis ol wara bilong 92 skul we istap insait long Nesenel Kapitell Distrik.

Long Mande long dispela wik, NCDC bod siaman, Jack Pidik i givim K99,253.36 sek igo long siaman bilong Eda Ranu Eno Daera.



• Gordons sekondari skul em wanpela skul we NCDC i peim pinis wara bil. Hia em tupela sumatin bilong Gordons sekondari i klinim skul long stat bilong skul yia.

Dispela peimen we NCDC bin mekim em kavaram ol kos bilong wara bilong ol skul long las kota bilong skul yia long 2002.

Long dispela yia, NCDC bai peim wara bil bilong ol 41 elementri skul, 38 praimer, 4 hai skul na sekendri skul wantaim 5-pela vokesenel skul.

Dispela peimen we NCDC i mekim makim gut taim we ol pikinini i statim nupela skul yia long dispela wik.

Na tu dispela i min olsem ol skul bai ron gut na bai i nogat hevi long wara o wara bai no inap stop nating.

Mista Pidik tok pastaim ol i save givim mani long ol skul long peim wara bil tasol planti ol skul i no save soim gut ol risit o pepa long hau ol i save yusim dispela mani.

Olsem na long dispela yia, Mista Pidik tok NCDC yet bai mekim ol peimen long Eda Ranu.

"Mani i go stret long wok na i gat rekot em bikipela samting. Mipela mas save long hau ol skul i wok long yusim mani long baim wara," Mista Pidik bin tok.

Mista Pidik tok ol bai mekim wara peimen long wanwan kota long dispela yia.

Long olgeta mun, NCDC na Eda Ranu bai karim aut inspeksen long olgeta wara paip na bai kisim ripot bilong ol eria we wara i wok long lik.

Mista Pidik i mekim wanpela strongpela askim long ol tisa na het tisa long sekim ol paip nogut ol i bagarap na wara i wok long ron nating na ol i mas givim dispela ripot long NCDC.

Em tok dispela bai helpim long daunim kos bilong wara bikos planti taim ol wara i save ron natin na wara bil i save go antap stret.

Na tu Mista Pidik i askim ol hed tisa na ol het masta bilong ol skul klostu long setelmen olsem ol i mas pasim tet bilong ol sapos ol i no yusim.

Em mekim dispela toktok long wanem planti taim ol lain husat i stap outsait long skul i save yusim wara bilong skul na dispela tu i save apim wara bil

NCDC bai stil givim helpim long ol skul insait long NCD.

Long neks wik, NCDC bai givim ekasesais buk igo long olgeta 92 skuls. Ol bai mekim dispela presentesen long Bavaroko Top ap skul.





**MAOLO  
TAIM**

**Julie Mota apim  
nem bilong  
PNG long wol**

Stori bilong Julie  
long wok em  
i mekim

*pes 11*

Paolim mani em  
bikpela samting  
long PNG

*pes 12*

Wakawa Tieta  
grup bai go pilai  
long Esia na Yurop

*pes 18*

Stori bilong ol  
yangpela na  
ol marit

*pes 19*

Tok pilai  
wantaim raitman  
Kanage

*pes 20*

**BMBM**

Available from : **BMBM HARDWARE**

- Port Moresby: Ph: 325 1135
  - Lae: Ph: 472 6966
  - Kokopo: Ph: 982 9580
- Fax: 325 7393  
Fax: 472 6968  
Fax: 982 9581

Quality Guaranteed by **Adjuvate Australia**


**VAT  
EXCLUSIVE**




**Bondrite for Concrete**  
5L : K63.00



**PVA Wood Glue**  
1 Ltre: K14.31  
4Ltre: K51.81



**Vinle Tile Adhesive**  
1 Litre: K19.83  
4 Ltre: K64.00



**Contact Adhesive**  
1 Litre: K19.98  
4 Ltre: K60.99

**Every K500  
Cash Purchase  
One 30"  
Umbrella will  
be given Free!!**





## Julie kisim biknem long Pasifik long gutpela rises wok bilong em



ALISON ANIS i raitim

"Mi no bin tingting planti taim mi raitim kamap rises ripot tasol em bin senisim tingting na lukluk bilong ol intenesenel komyuniti long Oseania rises," Julie Mota em wanpela atis we nem bilong em i wok long kamap bikpela long PNG i tok.

Wantaim 25 krismas, nem bilong Julie i pairap strong insait long PNG. Dispela yangpela simpel meri i gat strongpela tingting long putim nem bilong ol meri atis long PNG na Pasifik i bin winim dispela

rises insait long Melanesia rijen.

Tu em i kamap olsem namba wan asples meri long Pasifik rijen i winim awod long gutpela wok rises em i wokim long Oseania rijen. Em bin winim dispela awod wantaim rises pepa bilong em long ol Sosel na Politikel Kontemporeri At bilong ol Meri long Melanesia.

Julie Mota em i gat Diploma long Tiata Ats na Komes long Yunivesiti bilong PNG. Em i kam long Oro provins, ples long PNG i gat nem long Tapa klos long en. Wok bilong en long Visuel Atis em i karimaut ol wok rises long dispela eria tu nau na em i wok tu olsem wanpela komyuniti atis.

Em i atis na ekta na long nau, em i kodineta long Wimens Atis Netwok we i wanpela netwok i sapotim ol meri atis bilong Melanesia rijen.

Wok rises pepa bilong em we em i kolim "Social and Political Contemporary Art of Women in Melanesia" em bin winim namba wan prais insait long Pasifik. Ol jas long intenesenel komyuniti i bin lukim dispela rises pepa olsem samting i narakain olgeta long ol rises pepa long Pasifik rijen we ol i save lukim bipo na tu ol save manmeri ol i kolim long ol antropolijis husat i karim rises wok long rijen i kamapim long en.

Rises wok bilong Julie i bin winim tu ol rises bilong ol arapela biknem rises lain olsem Marion Straki Gabber husat i beis wantaim wanpela bikpela yunivesiti long kantri Gemeni, Dokt Iva Ravi bilong Frankfurt Musium na At Galeri long Gemeni, Dokta Pamela Rossi Robert Welsh, Ann Karina-Hempkins na John Carter bilong Britis Colombia Yunivesiti long Kanada.

Rises pepa ya i bin autim hamas meri long Melanesia i wok olsem ol kontemporeri atis, hevi ol i bungim, wanem kain helpim ol i kisim na ol kain samting moa olsem. Em bin namba wan taim ol i wokim dispela kain samting na Julie i no bin save olsem pepa bilong em bai kisim tru ai bilong ol lain long intenesenel komyuniti.

Ol ogenaisa bilong rises ya em long Association for Social Anthropologists of Oceania i bin kirap nogut tru long Julie i winim namba wan prais wantaim rises bilong em.

I bin gat 40 aplikesen olgeta long dispela rises raiting na sampela em ol biknem rises pipel. Sampela i kam long ol biknem yunivesiti long wol olsem Harvard long Amerika, Oxford na Cambridge long Inglan husat i bin karimaut rises long ol asples pipel bilong Oseania rijen.

Long makim PNG, Julie wantaim tripela man i bin go insait long dispela rises raiting kompetisen. Em bin kisim bikpela na gutpela sapot long Dokta Pamela Rossi long karimaut na raitim dispela rises pepa bilong em.

Long dispela mun, Julie bai go long wanpela wokabaut long Kanada bilong stap insait long bikpela bung we ol bai holim long biksiti bilong Kanada em long Vancouver long Februari 12.

Em i no inap long bilpim olsem em i kamap top long dispela rises tasol em bin tok em i amamas long go long dispela wokabaut long Kanada.

"Mi amamas na tok tenkyu long dispela sans long mi go long Kanada. Mi no bin ting olsem bai mi gat sans long wokim gut tru na win," em i tok.

Taim em i kisim nius long dispela samting na ol i tok em i kamap top long Pasifik, em i bin painim hat long toktok bikos em i no bilpim em bai win.

"Pastaim mi bin harim nius olsem rises bilong wanpela PNG i stap long fainol seleksen lista, mi bin amamas bikos mi na arapela pren bilong PNG i stap long dispela grup. Tasol mi no bin ting em mi. Tasol mi amamas tru olsem rises bilong mi i kamap top. Taim wanpela poroman i ring long telipon na toksave long mi, mi bin kirap nogut tru," Julie i tok.

Long Kanada, Julie bai stap namel long ol bikman, ol atis, ol antropolojis na ol arapela moa lain olsem.

Julie em i wanpela atis husat i operet long infomel sekta.

Nau em i wok long redi long wokabaut bilong em i go long Kanada we em bai prisenim pepa bilong em. Long dispela presentesen tu, em bai toktok long ol hevi we ol atis long Melanesia i save bungim long em.

Long dispela bung tu, ol arapela antropolijis bai prisenim ol wok ol i karimaut long PNG. Dispel em long ol Maisin pipel long Oro, Sepik na Ramu.

Olsem hap long prais bilong em, Julie i bin kisim ofa long stadi antropoloji long tupela yia na long wanem yunivesiti i ofaim dispela kos. Long nau, Julie i gat kliapela tingting wanem yunivesiti em bai go long en.

Mipela i no klia sapos PNG i luksave long dispela awod Julie i kisim tasol PNG i ken amamas long gutpela pikinini meri we i apim nem bilong kantri bikos long gutpela wok bilong em i winim ol arapela bik manmeri long intenesenel komyuniti tu.

### Rivyu bilong dispela wik

#### Nogat resit bilong maining na petroleum mani rekot

**Kantri:**

TRIPLELA fainensel institusen bilong Stet i nogat rekot long ol risit bilong samting olsem K3.2 milien we ol minerel na petroleum sekta i save baim stet long en. Ol ripot i tok Beng bilong PNG, Intenel Revenyu Komisin na Dipatmen bilong Fainens na Treseri. Ol ripot i tok ol tripela lain i save lukautim mani bilong kantri i no inap long tok klia tru sapos ol i kisim ol risit pepa bilong maining na petroleum mani i save go long wanpela Swis beng akaun.

Praim Minista Sir Michael Somare i tok em bai mekim wanpela wok painimaut long dispela samting.

**Kantri:**

OL ripot i tok gavman bilong Solomon Ailan bai i no go het long dil bilong em wantaim Noah Musingku, wanpela man Bogenvil husat i bin laik kirapim gen wanpela mani skim we i bin tok bai helpim Solomon Ailan long mani hevi bilong em.

Planti lain insait long PNG i wok long wetim Mista Musingku long peim bek mani ol i bin putim long U-Vistrak piramid mani skim tasol ol i wet long foapela yia nau na i no kamap. Nau long PNG, planti lain i bin putim mani long skim i tok Mista Musingku i bin konim ol. Klostu long pinis bilong las yia, Mista Musingku i bin go long Solomon Ailan na i toktok wantaim gavman bilong Solomon Ailan na ol i pasim toktok long em i kirapim mani skim bilong em

long hap na Solomon Ailan gavman bai putim sampela milien kina olsem hap bilong em long dispela skim.

Tasol long dispela wik, ripot i kam olsem bihain long Solomon Ailan gavman i bin kisim ol toktok long PNG, em i tok bai em i lusim dispela tok we em i pasin na stre-tim wantaim Mista Musingku.

**Kantri:**

SINGAUT i go long ol atoriti na gavman long mekim wok painimaut long ripot i kamap long paulim mani bilong Pot Mosbi Jenerel Haus sik long en.

Memba bilong Henganofi Dokta Bun i tok wok painimaut i mas kamap long ol ripot olsem sampela praivet dokta na ol dokta long Yunivesiti i wok long yusim nating ol masin samting olsem ol eksrei, ol leboretori na ol arapela samting na ol i no peim fi we ol i mas peim long en bipo ol i yusim ol.

Dokta Bun i tok em i no fea long ol yunivesiti dokta na praivet dokta long yusim nating ol masin samting taim ol i save sasim ol jenerel dokta long ol haus sik long Goroka na Lae sapos ol i yusim ol masin bilong ol praivet haus sik. Olsem na em i singaut long Pot Mosbi Jenerel Haus sik bot long sasim ol lain na mekim ol i peim mani we ol i dinau long en bilong yusim ol dispela mani.

Dokta i tok em i wari olsem ol yunivesiti dokta i wok long mekim ol praivet wok bilong ol na ol i no bisi long wok bilong ol olsem ol tisa.

Long wankain taim tu, ripot long dispela wok painimaut long ol woklain long haus sik i paulim mani i tok i no bin gat gutpela tok na wok bung wantaim.

## BANK OF PAPUA NEW GUINEA



### PRESS RELEASE

#### KINA FASILITI REIT BILONG FEBRUERI 2003

Wok painim aut bilong Benk bilong Papua Niugini long pinis bilong yia 2002 na nambawan hap bilong yia 2003 i olsem bai kos bilong samting bai igo antap, olsem na Kina Fasiliti Reit (KFR) bai igo antap long 50 poin, we i soim mak bilong 14.50 pesen igo antap long 15.00 persen long mun Februari 2003.

L Wilson Kamit, CBE  
Gavana

# Paolim mani kamap bikpela long ol gavman opis

## YAKAM KELO i raitim

PLANTI ripot na ol wok painimaut yumi lukim na harim i soim pinis olsem ol bikman bilong gavman na ol Minista na ol memba bilong palamen i save paolim planti bikpela mani bilong kantri.

Taim opis bilong mekim wok painimaut o sekim ol rekot olsem Ombudsman Komisn, Odita Jenerel, Pablik Akauns Komiti, Plis Fraud skwat na arapela moa i kamautim sampela hait rekot i kam ples klia, yumi ol manmeri i save ai op tru long lukim olsem namba bilong mani wanpela gavman opis o ol bosman bilong dispela opis i paolim i no save liklik mani. Namba bilong mani i save antap tru long K100,000 i go antap moa.

Olgeta pipel bilong Papua Niugini i kisim save pinis long harim na lukim bikpela mani bilong kantri i save lus o paol long wok bilong ol bikman tasol. Olsem na taim ol i lukim wanpela memba o bikman i kam i go, ol bai tok, em ol lain bilong paulim mani tasol i kam i go. Dispela em bikos ol pipel i lukim na harim planti nius pinis na ol i pulap long nius bilong mani i paol.

Long las wik tasol seketeri bilong Maining na Minerols na Eneji Kuma Aua i tokim ol bikman bilong Pablik Akauns Komiti olsem ol Minista wantaim ol opisa bilong ol i save yusim mani long raun long ovasis na ol arapela raun bilong Ministri tasol ol i no save kam bek na stretim rekot bilong mani ol i bin yusim long dispela wokabaut. Long dispela as rekot bilong mani i go aut long opis i no save stap stret o klia na dispela i soim olsem mani i lus.

Mista Aua i tok ol Minista i soim hia olsem ol i lain bilong mekim samting nating tasol na i no save wari long stretim rekot bilong mani ol i yusim. Tingim tasol, dispela em mani bilong kantri na i no bilong memba o Minista o husat gavman opisa i lukautim opis.

Ol Minista na ol lida i no ken ting ol i ken mekim ol samting long laik wantaim mani bilong kantri bikos nogut dispela laik ol i mekim em ino trupela samting o em long paolim na yusim mani nating tasol.

Givim rekot long yusim mani i go bek bilong opis em i no nupela samting long wanpela bikman i tok em i no save o em i lus tingting. Ol bikman na lida i mas save olsem stretim rekot bilong mani ol i yusim em bikpela samting long mekim rekot bilong mani long opis i stap stret.

Plantu memba bilong palamen i save yusim ol EDF mani bilong ol long mekim wok long ilektoret.



• Ol lida i mekim promis long ai bilong Gavana Jenerel olsem ol bai mekim wok bilong ol stret long kantri na ol pipel bilong em. Gavana Jenerel i sikan long ol minista bihain long ol i mekim promis.



• (Raitan) Olpela Seketeri bilong Jastis Michael Gene bai i go pas long sekim ripot bilong sampela mani bilong PNG long wanpela ovasis benk. Praitim Minista Sir Michael Somare i tokaut long dispela wik.

Tasol sampela taim ol i save putim mani i go stret long ol wok we i helpim pipel tasol risit na rekot bilong mani i go long dispela wok i no klia. Sampela taim ol lida i putim mani i go long wok tru bilong helpim pipel tasol dispela wok i no stap long baset plen o kontrak we mani i kam long en.

Wanpela memba i bin kisim sas pinis long dispela pasin maski em i putim mani i go long wok tru bilong helpim pipel tasol rekot bilong dispela wok i nogut long pepa o risit.

Olsem na long dispela kain pasin yumi laikim ol lida i mas tingim gut na save gut long wok bilong ol na wanem rot mani bilong helpim pipel i mas go long en.

Lo i stap ples klia tru olsem maski wok yu mekim i gutpela bikos wok i kamap na ol pipel i kisim helpim na sevis tasol dispela wok i no bilong dispela mani. Em i olsem lida i paolim mani bilong narapela wok na putim long narapela wok. Sori olsem lida i ken kisim bikpela mekimsave long kalabus o lusim

wok bilong em bikos long dispela pasin tasol we bel na tingting bilong em i no sut long mekim samting i rong tasol pasin em dispela i rong.

Plantu lida o memba bilong palamen i no bin holim ol wok menesmen long opis bipo na ol i no save gut long menesmen bilong ol propeti o ol samting bilong opis, ol wokman na mani. Olsem na i moa gutpela taim ol nupela memba i kam kisim opis, ol opisa bilong Ombudsman Komisn, Odita Jenerel, Pablik Prosekyuta na ol gavman dipat-

men het i mas holim ol liklik skul wantaim ol memba na skulim ol long ol dispela liklik menesmen bilong opis na mani taim ol i holim na ranim wok long gavman. Tokim ol long wanem kain eksen ol inap mekim na i ken brukim lo bai dispela i mekim ol i luksave long sampela lo we i banisim ol long wok bilong ol.

Plantu ol lida long olpela gavman i bin kisim hat taim long stretim rekot bilong mani ol i yusim long ilektoret wok bilong ol. Sampela i bin kamap long kot bilong Lidasip Traibunel na arapela bin risain pastaim long dispela kot i sanapim ol na sekim ol.

Sampela olpela memba olsem memba bilong Madang Jacob Wama, olpela Gavana bilong Oro provins Sylvenus Siembo, olpela memba bilong Jimi Bevan Tambi nau memba bilong Mendi Michael Nali na memba bilong Tewae Siassi Mao Zeming na arapela moa.

Sampela memba long bipo i bin raus long wok bilong ol bikos kot bilong Lidasip Traibunel i painim ol i abrus long soim rekot gut long mani ol i yusim long wok bilong ol.

Tingting bilong ol pipel bilong PNG nau em olsem ol lida na ol bikman bilong ol gavman opis i no save mekim wok bilong ol stret. Ol i save paulim mani. Dispela tingting i kisim ol pipel bikos ol i harim planti ripot bilong kot i sasim ol lida, ol lo opis i tokaut long mani i paol long ol opis. Rekot bilong mani i save bikpela tru na ol pipel i ting ol lida i mas kisim bikpela sas bikos long bikpela namba bilong mani.

Ol pipel i save komplek tu olsem bilong wanem na ol liklik manmeri i save stilim ol liklik samting olsem K50 o K100 long baim rais na tin pis bikos ol i hangre na ol i save kisim bikpela taim long kalabus. Ol plisman i save brukim han lek na nus pes bilong ol pastaim na bihain i go sasim ol long kalabus. Tasol taim ol bikman i stil, ol plis i no save brukim han lek na nus pes bilong ol. Toktok bilong ol pipel nau em, Papua Niugini i gat tupela lo. Wanpela bilong ol bikman na wanpela bilong ol liklik man.

Ol opis bilong Pablik Akauns Komiti, Ombudsman Komisn, Pablik Prosekyuta, Plis fos na arapela moa i mas sanap strong long wok bilong ol. I tru gavman bai i no inap givim inap mani long ol long mekim wok bilong ol. Tasol bikpela samting em ol i mas go het yet long mekim wok bilong ol. Ol i ken wok isi isi taim strong bilong ol go daun. Ol i mas go het yet inap ol i ken painimaut na sasim ol bikman na ol opisa husat i save paulim ol mani bilong kantri.

# Ol nes askim long gutpela wok kondisen

WANPELA yunion bilong ol nes insait long kantri i tokaut strong olsem wanpela askim bilong ol we ol i bin givim long gavman stat long las yia i mas kism wanpela bekim hariap bikos wok bilong ol i gat bikpela hevi.

Papua Niugini Neses Yunion i tokaut strong olsem wanpela petisen bilong ol we ol i bin givim long gavman em ol i bin askim long sampela gutpela wok kondisen bilong ol we gavman i mas givim sapat na helpim ol.

Mausman bilong dispela yunion Murray Paiva i tok ol nes i no wanbel long bekim we i wok long kam long askim bilong ol bikos samting ol i askim long en bai helpim ol nes long mekim wok bilong ol insait long ol bikpela

haus sik na tu ol klinik na taim ol i no kism wanpela gutpela ansa nau dispela i mekim ol i no amamas tru.

"Askim bilong ol nes em long kism ol gutpela masin na samting bilong helpim ol taim ol i mekim wok bilong ol insait long ol bikpela na liklik haus sik long kantri. Ol nes i askim long kain samting olsem han glap bilong yusim long putim long han na holim ol sua na ol mask bilong pasim maus bilong ol. Dispela ol samting bai helpim ol nes long mekim wok bilong ol gut na taim ol i nogat dispela kain samting bai hat tumas long ol i ken mekim wok bilong ol," Mista Paiva i tok.

Em i tok ol helt wokus i mas gat gutpela ples na yusim ol gutpela samting bilong helpim ol

long mekim wok bilong ol. Helt i save promotim gutpela we bilong mekim ol wok na tingim gut helt bilong mipela tasol taim ol helt wokus i nogat gutpela ples bilong wok dispela i no soim gutpela piksa.

Mista Paiva i tok ol helt wokus i laikim gutpela kondisen na dispela em wanpela samting we ol i wok long pait strong long en stat long las yia tasol ol i no kism wanpela bekim yet long dispela na bikpela hevi tru ol i wok long karim nau long dispela taim.

Em i givim wanpela tok piksa long hevi we i wok long kamap nau long bikpela Mosbi Jeneral Haus sik we i gat wok painimaut i go insait long sekim sampela paul na hait pasin long mani

bilong haus sik.

Mista Paiva i tok taim ol het lain bilong haus sik i wok long lukluk long dispela wok painimaut ol helt wokus i wok long painim hat tru long mekim wok bilong ol gut bikos nogat marasin na gutpela samting bilong helpim ol long mekim wok.

Em i tok ol atoriti i wok long lukluk long dispela hevi bilong mani i paul na hevi bilong ol helt wokus i nogat wanpela i laik harim wanpela liklik askim i kam long ol nes.

Helt Sekretari Dokta Nicholas Mann i tok dispela hevi bilong ol nes em yunion i mas toktok gut wantaim ol atoriti long stretim dispela samting na ol helt wokus i noken tingting long stapim wok bilong ol.

# Wok bilong stapim misels long 2004

SIK misels em i wanpela bikpela sik we helt dipatmen bai wok hat long traim stapim long 2003 bikos i gat bilip olsem dispela sik bai kamap bikpela tru stat long neks yia 2004.

Wok bilong givim marasin na sekim ol komyuniti insait long kantri i no kamap strong tumas na dispela i kamapim moa tingting long moa wok i mas kamap long redim ol manmeri na pikinini insait long kantri.

I gat bilip na wok painimaut i soim olsem misels bai kamap moa bikpela tru long 2004 na i gat moa wok i stap long sekim dispela na stapim moa pikinini na lain long kism dispela sik.

Sekretari bilong Helt Dokta Nicholas Mann i tok sik misels i kamap bikpela tru long Mosbi, Milen Bei, na sentral Hagen na sampela hap bilong Morobe las yia tasol i nogat wanpela imyunaisesen i bin kamap yet long kantri.

Em i tok wok bilong imyunaisesen em ol i bin mekim long distrik level tasol na i gat nid long mekim wanpela bikpela moa wok long stapim dispela kain sik long kamap bikpela.

Dokta Mann i tok moa wok bai kamap yet long stapim kain sik olsem malaria na ol narapela sik we i save bagarapim ol komyuniti insait long kantri.

Em i tok long dispela yia 2003 bai helt dipatmen i wok strong long lukluk long famili helt na helt bilong ol meri na moa wok bai kamap long strongim dispela wok.

Moa wok tu bai kamap long dipatmen long traim stapim kain sik olsem AIDS, malaria na tubakolosis, kensa, daiabitiss, sik bilong lewa na ol narapela sik tu insait long kantri.

Wanpela seksen bilong helt dipatmen we i save mekim ol wok painimaut long ol sik em Disis Kontrol Yunit na dispela em ol i plen long mekim i kamap bikpela moa yet long traim strongim na mekim moa wok painimaut long stapim ol dispela sik.

Ol dona ejensi insait long kantri i wanbel olsem dispela yunit i kism moa luksave long wok ol bai mekim na ol i stap long givim moa sapat long wanem kain wok helt dipatmen i laik mekim.

# Mann tokim pipel long lukautim ol helt sevis

WANPELA bikpela singaut i go long ol pipel bilong Papua Niugini olsem ol i mas traim senisim ol tingting na pasin bilong ol na lukautim olgeta helt fasilitis na ol helt woka.

Ol pipel long PNG i gat wanpela pasin ol i save mekim we i no save sapatim gutpela wok bilong helt insait long kantri taim ol i save bagarapim na paitim ol helt woka na mekim nogut long ol.

Helt Sekretari Dokta Nicholas Mann i tokaut olsem long dispela nupela yia ol pipel i mas soim planti moa rispek long ol helt woka na lukautim ol masin na bilding samting bilong helt sevis.

"Taim ol pipel i paitim na mekim nogut long ol helt woka orait ol helt woka i no inap long wok na komyuniti bai kism taim tru taim ol helt woka i no inap mekim wok bilong ol," Dokta Mann i tok.

Em i tok insait long ol komyuniti insait long PNG ol pipel i save bagarapim na stiim samting bilong helpim ol helt woka long mekim gutpela wok tasol dispela i wok long lus long han bilong ol pipel.

Dokta Mann i tok dispela pasin bilong ol pipel i ken stop olgeta sapos ol lida insait long komyuniti i ken bungim ol

pipel na tokim ol long wokbung na sapatim ol helt wok insait long komyuniti bilong ol.

Em i tok dispela kain pasin nogut long helt sevis na wokus em ol wanwan lain tasol insait long PNG i save mekim na dispela i ken stop olgeta sapos ol lidas i soim ol pipel bilong ol na ol pipel i harim toktok.

Dokta Mann i tok ol helt klinik na ol helt wokus i stap long ol sentas em ol i stap bilong helpim ol pipel yet na ol yet i mas mekim wanpela disisen long senisim pasin nogut bilong ol na helpim ol pipel long lukautim ol gutpela helt sevis insait long komyuniti bilong ol.

Las yia ol helt wokus long Angau Memorial haus sik long Lae i protes na lusim wok bilong ol bihain long sampela raskol i kism gan na sut long wanpela haus sik ambulens.

Long Vunapope, Is Nu Briten las yia tu sampela lain i bin laik bagarapim ol helt sevis insait long provins na dispela i mekim memba Sir Rabbie Namaliu tok strong olsem ol lain husat i save mekim dispela kain pasin i mas kism strongpela mekim save.



• Dokta Nicholas Mann.

Dokta Mann i tok taim yumi toktok long helt em yumi save toktok olsem ol gutpela pasin bilong sevim laip bilong ol sik lain na olgeta pipel insait long PNG i mas soim rispek long helt wokus na helt sevis.

# Gavman bai helpim long mentenim skuls

PLANTI moa pikinini insait long kantri i stap redi nau long go long skul taim skul i stat long dispela wik tasol.

Ol papamama i mekim planti wok long traim redim ol liklik bilong ol long go long skul na baim skul fi bilong ol.

Planti ol skul insait long kantri i tokaut strong olsem nogat wanpela studen bai go insait long dispela na ol i no bringim skul fi risit bilong ol i go soim ol het lain bilong skul.

Sampela i tok ol i laikim ol papamama i ken baim hap skul fi tasol na bringim risit i go long skul na narapela hap bai ol papamama i ken baim namel long skul yia.

Planti skuls i go insait long taim bilong skul wantaim planti tingting i stap long het bilong ol bikos skul subsidi em gavman i no givim tok klia long dispela na ol papamama husat i bin salim ol pikinini bilong ol i go long skul las yia insait long fri edukesen polisi bai painim hat tru dispela yia.

Ekting Sekretari bilong Edukesen William Penias i tokaut olsem dispela yia bai hat liklik bikos ikonomi bilong kantri i no gutpela na em i laikim ol papamama long yusim het long wanem rot ol i laik yusim mani bilong ol.


"Mi mekim singaut i go long ol pipel, papamama na ol pikinini bilong PNG long spendim gut mani na helpim gavman long kirap bek gen long dispela hatpela taim bilong mani we kantri i stap long en tude," Mista Penias i tok.

Em i tok gavman bai helpim long lukautim na mekim ol mentenens wok long olgeta skuls insait long wanpela K60 milien baset gavman i putim pinis i stap.

Long dispela mani bai K20 milien i go long provinsal edukesen subsidi na K40 milien bai go long baset bilong Nesenel Edukesen dipatmen.

Dispela K40 milien bai go insait long mekim olgeta mentenens wok long ol skul insait long kantri.

# Bilong Wanem na ol Toyota Kar i Nambawan long PNG?



- ✓ Toyota igat strongpela histori bilong istap longpela taim, yu ken trastim na gutpela prais bilong salim ken.
- ✓ Igat planti ol pasindia, bikpela na 4WD kar.
- ✓ Igat wanpela Kampani bilong salim ol kar igat 15-pela opis istap nambaut long PNG.
- ✓ Em wanpela Kampani bilong salim ol kar tasol igat luksave long salim ol gutpela strongpela kar we bai istap longpela taim.
- ✓ Em wanpela Kampani bilong salim ol kar tasol igat treinin senta wantaim tok orait bilong Papua Niugini Gavman.
- ✓ Kampani igat tok agrimen long Sevis bilong hairim ol kar na Spe Pats.
- ✓ Em igat 40-pela yia espiyens olgeta long salim ol Toyota kar long PNG.

EDMUND TOPERCZER : PH 3229441 FAX 3213703

Email : etoperczer@elamotors.com.pg



TOYOTA TSUSHO (PNG) LTD  
www.elamotors.com.pg



PORT MORESBY • LAE • KOKOPO • MADANG • GOROKA • MT HAGEN • WEWAK • KAVIENG • KIMBE • TABUBIL • VANIMO • PORGERA • BUKA • LIHIR • ALOTAU

# Megawati i belhat nogut long ol pipel

INDONESIA: Presiden bilong Indonesia i tok tingting bilong em i stap olsem wanpela maunten paia i redi long pairap bikos em i no laikim kain protes ol pipel bilong em i wok long mekim egensim em.

Oi yuni studens na ol wokas long kantri bilong em i wok long holim bikipela protes stat long las yia i kam nau na meri presiden i tok em i no laikim we ol i save protes.

Mis Megawati em i gat naispela pes bilong em na taim em i lukim ol lain i wok long brukim ol poto bilong em na katim na wokabaut antap long em dispela i mekim bel bilong em i hat tru na em i laik pairap stret.

Planti protestas i putim bikipela akis long pes bilong em na mekim ol poto bilong em i luk nogut tru.



Nau long dispela taim ol plis i wok long holimpasim ol protestas na 9-pela i stap pinis long kalabus.

Planti ol human raits lain i tok ol i lukim olsem presiden Megawati i no tingim raits bilong ol pipel long protes na em i wok long putim ol lain i go long kalabus long liklik samting olsem bagarapim piksa bilong em i no gutpela as.


Tasol Mis Megawati em yet i tok ol pipel i gat planti narapela we long protes na em i no save wanbel olsem

ol i save katim na bagarapim ol poto na ol ileksen posta bilong em taim ol i protes.

Meri ya i tok taim em i lukim ol postas bilong em, em i tok em i save luk smat tru na em i save belhat nogut tru taim ol protestas i save katim na mekim nabaut long piksa bilong em.

Mis Megawati i tok ol i ken protes tasol ol noken bagarapim ol gutpela poto bilong em bikos dispela i save mekim em i belhat moa yet.

Oi pipel bilong em i wok long protes bikos ol prais bilong ol samting i wok long go antap tumas na hat tru long ol i ken baim long liklik wok mani bilong ol.



**Meri soim stail** • Sampela meri bilong wanpela liklik ples ol i kolim Tsou long Taipei i mekim danis tumbuna bilong ol long wanpela bikipela bung. *Poto: TAIPEI JOURNAL.*

# Ol meri resis long dring bia long Bangkok

BENGGOK: Wanpela nupela resis i kamap we ol meri bai resis long en na dispela kain resis bilong ol i mekim ol pipel bilong Bangkok i ai op nogut tru.

Dispela resis em bilong ol meri i resis long dring bia. Rul o lo bilong dispela resis em husat meri i las tru long dring moa bia na em i no traut bai kamap wina na klab bai givim win prais mani long em. Ol meri bai putim strongpela helmet long stapim ol long kisim bagarap long het

bilong ol sapos ol i dring spak nogut tru na pundaun.

Sampela ol pipel long kantri i tok dispela em i wanpela rabis we tru bilong ol meri long resis na ol i no wanbel long dispela resis na ol i tokaut strong egensim dispela resis bikos ol i tok ol meri bai kisim taim long bodi bilong ol.

Planti ol raits grup bilong pipel tu i tok ol kampani na klab i mas tingim raits bilong ol meri na noken mekim dis-

pela kain resis we bia i ken bagarapim laip bilong ol meri.

Dispela resis long dring bia em ol oganaisas i tok ol i laik promotim ol tumbuna bia bilong kantri yet na ol pipel i mas sapotim dispela resis.

Wanpela lida meri long kantri yet i tokaut olsem dispela resis i mekim nem bilong ol meri i go daun tru na i givim nem nogut long kalsa bilong kantri.



**Amamas long skul** • Lukim sampela skul pikinini bilong kantri Kembodia i lain long rit na rait long tok ples bilong ol yet. Ol turangu i nogat gutpela ples long sindaun gut na skul tasol lukim pes bilong ol i amamas long lainim samting. *Poto: LOOK JAPAN.*

# Tonga stap long lukaut long bungim taim nogut

SUVA: Pasifik Ailan kantri Tonga i kisim wanpela tok lukaut olsem taim nogut bai kamap long dispela kantri na ol pipel na atoriti i mas stap redi long bungim dispela taim nogut.

Long Fiji tupela wik i go pinis, bikipela ren na tait wara i kilim i dai 15 pipel na bagarapim ol kaikai na samting mak long planti tausen mani.

Bikipela ren i mekim wara na solwara i tait na karim olgeta samting i go na kilim i dai ol pipel.

Oi pipel bilong Fiji i wok long wet yet long kisim ol helpim i kam long ovasis na ol narapela kantri husat i sori long hevi bilong ol.

Nau dispela wankain taim nogut i laik kamap long Tonga.

Oi atoriti na save man

bilong ren, win na san i tok ol ron bilong win i soim ol olsem dispela kain hevi we i kamap long Fiji i ken kamap long Tonga na ol pipel i mas stap redi long dispela.

Bikipela win i wok long kamap long Tonga na ol savelain bilong weda i tokim ol pipel na gavman long lukaut long taim nogut na ol pipel i mas stap insait long haus bilong ol.

# Inglan plis opisa kamap Solomon komisina

HONIARA: Wansolwara kantri Solomon Ailans i bin kisim wanpela plis opisa bilong Inglan long kamap olsem plis komisina bilong ol na gavman bilong ol i bilip olsem dispela bai helpim long bringim gutpela lo na oda i go bek insait long kantri.

Dispela liklik Pasifik Ailan kantri i stap long bikipela hevi bilong nogat gutpela lo na oda na ol pipel i wok long dai nating long han bilong ol rebel grup insait long kantri.

Ikonomi bilong kantri i

kamap nogut tru bikos long dispela kain hevi na pawa bilong mani bilong ol i go daun tru na bikipela taim bilong hevi tru i kamap insait long kantri.

Praim Minista bilong Solomon Ailans Sir Allan Kemakeza i tok olsem gavman bilong em i gat strongpela bilip olsem taim wanpela ausait man i kam insait long bikipela plis wok bai gutpela wok bai kamap.

Em i tok politiks bilong kantri yet i wok long kamapim planti hevi tru na dispela i mekim hat tru

long bringim gutpela lo na oda i go insait long kantri.

Sir Allan i tok em i laikim dispela plis opisa nem bilong em Bill Morrel long kamap komisina na helpim lo na oda insait long kantri.

Mista Morrel i tok em i luksave olsem kantri i stap long bikipela hevi na em i laikim helpim i kam long olgeta sekta bilong komyuniti long traim bringim dispela kantri i go bek long gutpela rot na lo na oda i ken kamap gut gen.

# Raskol man paul long stil

A M E R I K A : Wanpela yangpela man husat i gat 27 krismas i hait i go insait long wanpela benk na i hansapim wanpela benk opisa. Man ya i tokim meri benk opisa long go insait long bikipela benk

sef na opim na em bai kisim mani.

Taim tupela i wok-abaut i go insait long ples bilong sef meri i kirap askim raskol man ya sapos tru olsem em i laik stil o nogat.

Man ya i holim gan na makim long

meri tasol meri lukim olsem man ya i no klia gut long wanem samting em i laik mekim olsem na em i askim em.

Pes tru man ya i tok yes em i laik stil tasol em i senisim tingting gen. na tokim meri olsem

em i no laik stil.

Man ya em yet i kirap tokim meri long ringim plis na ol i ken kam kisim em. Ol wokas insait long benk i kirap holim man ya i stap inap plis i kam long kisim man ya i go long kalabus.



### Gutpela pent long haus

• Ol atis i bisi long mekim wok bilong ol long pentim sampela naispela piksa tru long wol. Planti hap i gat ol raskol na strit lain i save pentim kain kain nogut piksa tasol dispela ol atis i pentim gutpela piksa stret. Foto: TAIPEI JOURNAL.

# MALOLO TAIM

## Vanuatu givim helpim long ol Wes Papua

JAKARTA: Wapela tok pait i wok long kamap namel long ol gavman opisals bilong Vanuatu na Indonesia bihain long sampela ripot i tokaut olsem Solomon Ailans i laik givim sans long ol Wes Papua fridom paitas long opim wapela embasi bilong ol long Vanuatu.

Dispela ripot i mekim gavman bilong Indonesia i no wanbel na ol i tok

gavman bilong Vanuatu bai i no inap mekim wapela samting olsem na dispela toktok i no tru.

Tasol ol gavman opisals bilong Vanuatu i tokaut gen olsem ol OPM fridom paitas bilong Wes Papua i gat wapela opis bilong ol i stap long Vanuatu na bai Solomon Ailans i go het yet long sapotim pait bilong ol Wes Papua pipel.

## Jameka kamap ples bilong pret long plis

JAMEKA: Jameka em i wanpela liklik kantri long Kerebian na i gat moa long 2.6 milien pipel i stap long dispela kantri. Dispela kantri i save i gat ol strongpela geng husat i save ranim kantri wantaim gan.

Nau long dispela taim plis i go insait na stat long strongim sekyuriti tasol plis i wok long bringim moa hevi long ol pipel.

Planti lain i tokaut

olsem plis i wok long stapim ol raskol geng tasol ol i wok long sutim nating na kilim i dai ol yut husat i nogat asua tru.

Sampela famili i mekim redi sampela komplem bilong ol we bai ol i bringim plis dipatmen i go long kot.

Dispela em bikos sampela yangpela skul boi husat i pinisim skul na i laik go bek long haus em plis i kilim ol i dai nating tru.

Ol plis i tok strong yet olsem ol i laik stapim raskol na geng pasin tasol ol i kilim ol yut husat i nogat rong.

Sampela lain i tok bipo ol i save pret long geng tasol nau ol i pret long plis.

Ol hetman bilong plis i tok ol i no inap mekim wanpela toktok long dispela samting bikos bikpela tingting bilong ol em long pait long stapim raskol pasin insait long kantri.

## Presiden Bush i no yusim het bilong em



• Man i gat gutpela histri.....Mandela tok Amerika i mas tingim wanem hevi ol liklik kantri long wol bai bungim sapos em i laik strongim woa long Irak. Dispela wol lida i tok bikpela tingting bilong em i wari tru long hevi we bai kamap bihain long woa i stap. Hia em i stap wantaim pes meri bilong em Winnie Mandela. Foto: THE AUSTRALIAN WEEKEND MAGAZINE.

JOANASBEG: Pes blek presiden bilong Saut Afrika na nau em bikpela wol lida Nelson Mandela i tok presiden bilong Amerika George W. Bush i no yusim het bilong em gut taim em i tok long kamapim woa wantaim Irak.

Em i tok bikpela tingting bilong Mista Bush em long kisim bikpela oil risos bilong Irak na dispela as tasol Amerika i strong tru long mekim woa wantaim Irak.

Mista Mandela i tokaut strong egensim toktok bilong Amerika. Em i tok Amerika i laik kamapim woa tasol em i no tingim wanem samting bai kamap bihain long woa i stat.

Kamap bilong ol Amerika i gat ol strongpela difens na ami na masin bilong lukautim ol yet na ol i no wari long ol liklik kantri long wol na wanem samting bai kamap long ol.

Mista Mandela i tok bikpela samting em i laikim bai Amerika i givim taim long ol Yunaitet Nesens long go insait long Irak na mekim wok painimaut.

Em i tok Amerika i mas tingim gut bikos taim woa i kamap bai ol liklik kantri insait long Midel Is

na ol narapela liklik kantri tu bai i nogat inap strong long pait bikos ol i nogat gutpela ami.

Mista Mandela i tok tu olsem Amerika i soim olgeta wol olsem em yet i laik mekim samting long laik bilong em yet na i no laik kisim tingting bilong ol narapela kantri pastaim long em i laik kamapim woa long Irak.

Long Australia wanpela lida bilong Australia Grins Pati federal seneta Bob Brown i tok Mista Bush i toktok olsem wanpela buli na i no tingim ol liklik kantri kain eksen bilong em bai mekim na senisim olgeta samting long wol.

Em i tok Mista Bush i kamapim toktok we i no inap bringim gutpela sindaun long wol na ol kantri bai bruk nabaut na bikpela hevi bai kamap sapos Amerika i laik kamapim woa long Irak.

Planti lida long Australia i bung wantaim na kamapim bikpela toktok egensim woa long Irak na bikpela bel hevi i stap nau wantaim ol pipel bilong Australia bikos ol ami bilong Australia i lusim Australia na ol i go long Irak long redi long woa.

## Sevenpela astronot i dai long spes

AMERIKA: Amerika i stap long wanpela bikpela taim bilong sori bihain long wanpela bikpela balus we i save go long mun ol i kolim spes satel i bin paia na kukim na kilim olgeta sevenpela pipel insait long en long las wiken.

Dispela ol lain husat i save flai insait long spes satel em ol i save kolim ol astronot na ol i gat bikpela save tru bilong flai i go insait long spes na stadim mun na ol samting bilong narapela planet.

Long dispela sevenpela lain husat i dai long bikpela hevi, faivpela em ol bilong Amerika, wanpela bilong Israel na wanpela em bilong India. Dispela Indian em meri na ol pipel bilong em long wanpela liklik taun bilong India i bung na stap sori na prea long spirit bilong meri ya nem bilong em Kalpana Chawla i ken go long gutpela ples.

Ol pipel na gavman bilong Israel tu i stap sori long dispela hevi we i kamap na ol i wari tru olsem wan-

pela man bilong ol i dai long dispela hevi.

Amerikan Presiden George W. Bush i tok sori tru long ol famili bilong ol dispela lain husat i bin dai na bikpela sori tru i wok long kam long ol narapela kantri i go long Amerika, Israel na India.


Tasol long Irak sampela lain i amamas olsem dispela samting i kamap long ol Amerikan atronot.

Ol i tok dispela hevi we i kamap long ol Amerika i soim ol olsem God i laik givim mekim save long ol na soim ol Amerikans olsem God yet i stap bikpela na i gat moa pawa na ol Amerika i mas daunim ol yet.

Ol lida bilong Irak i tok dispela kain hevi i soim Amerika olsem God yet i wok long bekim ol rong we Amerika i save mekim long kantri bilong ol na ol i amamas olsem dispela em han bilong God we i soim gutpela helpim long ol pipel bilong Irak.



• Woa balus bilong Amerika i kam pundaun long Mosbi long kisim fiul na sekim ol ensin samting. Yumi save lukim piksa ol i kolim Jet Faita na tru tru nau em kam long Mosbi long las yia. Raithan: Wanpela drama danis na pilai ol skul manki long Mosbi i putim kamap. Aninit lephan: Taim bilong skul i stat nau olsem na i no gutpela long ol skul i bagarap olsem. Aninit raithan: Ol skul pikinini i amamas long raun lukluk long opis bilong Wantok Niuspepa. Daunbilo lephan: Ol lain long Sentrel provins i go insait nau long wok bilong planim rais. Daunbilo raithan: Ol skul pikinini i bilas na wokabaut wantaim ol wokman bilong NCDC long opim ol skul projek long Mosbi. *Ol fail poto.*





# WANTOK TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim Bonner Hui long Ph: 325 2500 or Fax 325 2579 EMAIL: wordadvertising@global.net.pg

### EYEGGLASS SPECIALS

Eyeglass fitted with your own prescription in sturdy frames that will last a long time.  
**PRICES ARE UNBEATABLE**  
**HURRY WHILE STOCK LAST**  
 Why not enquire and see for yourself, at Sed Optical, Garden City, Boroko, Ph: 325 6433, Fax: 325 6692,  
 Email: sedtd@daltrom.com.pg

### LODGE

**Kiunga Lodge**  
 Small quiet motel situated in the heart of Kiunga 16 Air-conditioned Rooms, all with cable television and bar fridge. Price includes Dinner and Breakfast. Guests staying more than one night will receive a Packed lunch for second and subsequent days.  
 Only K120.00 per night including VAT  
 Ph: 548 1127 / 548 1045  
 Fax: 548 1069  
 Email: kss online.net.pg

### GUEST HOUSE

**Kiunga Guest House**  
 From K140.00 to K260.00 / night all inclusive of meals, laundry, 10% VAT.  
 Transport to and from the airport. Vehicle hire  
 Tel: 548 1188 / 548 1084  
 Fax: 548 1195  
 Email: bookings@gh.ningerum.com.pg

### SECURITY

**Exsel Security**  
 Ex-PNG & British Servicemen  
 Tel: 323 9101 - Fax: 323 9109 Email: exsel@global.net.pg  
**PROPERTY & PERSONAL PROTECTION**  
 • Your Property Checked 2-3 times Every Night  
 We leave a calling card every visit report on your guards resolve emergencies  
 • 24 hrs x 7 days Armed "Rapid Response Unit"  
 Day or night we come to your aid in the event of:  
 An intruder or life threatening issues, Shoplifters or employee theft

You need urgent security.  
 If you are arrested any emergency  
 Whatever the emergency - at work, at home or out and about in N.C.D. Whatever the reason - personal safety, medical, fire, theft, vehicle theft/breakdown etc ... You can call us 24 hrs x 7 days and we will be there, fast! To take command of your security issue, whatever it is. For your peace of mind we can leave security with you after the issue, if needed. Membership - Commercial K100 per week first property K75 per week extra property  
 - Domestic K50 per week first property K25 per week extra property  
**JOIN NOW! AVOID THE TRAUMA. DON'T TAKE THE RISK & JOIN AFTER AN EMERGENCY**  
**OTHER SERVICES**  
 Tourist security escorts - rent-a-guard-bodyguards - static guards

### MANAGEMENT SERVICES

**MANPOWER**  
 Management Services Limited

(Fast and Efficient Service)

- Training & Localisation programs
- Work Permits
- Visas
- Company incorporations
- IPA Certifications
- State of the Art Database (Reminders automatically remitted)

Contact: Geraldine, Liz, Faith

Telephone: 321 5491 / 321 5492  
 Facsimile: 321 5493  
 Email: manpower@daltrom.com.pg

### ISLANDS MANAGEMENT SERVICES LTD

A bridge to your future career  
 Specialise in the following activities

- HR Management Consultant
- Labour Hire (local and expatriate)
- Payroll Services

- Business Advisory & Management Consultancy
- Passport, Visa & Work Permit
- Secretarial Services
- Customised Tailoring Services
- Provision of Corporate and School Uniforms
- Training & Localization Programme

Suit 8 Level 1 Garden City, Angau Drive, Boroko  
 Email: islandsrmse@datec.com.pg  
 PO Box 889, Boroko, NCD  
 Ph: 323 4955; Fax: 323 4799

### Vanilla Vine Cutting For Sale

Contact: Peter Devis- P.O. Box 89,  
 WEWAK, ESP  
**Ph/Fax: (675) 856 2743**  
 Email: pdevis@datec.net.pg

- Wewak / Vanimo K210.51 for 100
- Wewak / Aitape K214.69 for 100
- Wewak / Lumi K221.42 for 100
- Wewak / Nuku K208.33 for 100
- Wewak / Angkunak K203.10 for 100
- Wewak / Greenriver K247.21 for 100
- Wewak / Madang K212.38 for 100
- Wewak / Lae K228.28 for 100
- Wewak / Buka K320.80 for 100
- Wewak / Tabubil K303.52 for 100
- Wewak / Moresby K225.39 for 100
- Wewak / Alotau K299.05 for 100
- Wewak / Kerema K338.06 for 100
- Wewak / Daru K355.45 for 100
- Wewak / Tufi K336.19 for 100
- Wewak / Tapini K314.31 for 100
- Wewak / Kikori K372.46 for 100
- Wewak / Baimuru K345.45 for 100
- Wewak / Popondetta K270.35 for 100
- Wewak / Hagen K215.44 for 100
- Wewak / Moro K386.68 for 100

\* We also can be agents for vanilla bean buying companies.

### MINING EQUIPMENT

Alluvial mining equipment for sale

Gold dredges, Pro 2.5inch, Pro 3inch, Pro 4inch, Pro 5inch & Pro 6inch  
 High Banker combo, Super Metal Detectors  
 Sluice & Pans, Gold Wheel, Rock Crushe  
 Mercury retort  
 Field Service trip, Consultation Service  
 Gold Buying  
 Equipment Demonstration every Tuesday and Thursday.  
**CONTACT GOLD PAN**  
**POM: Phone- 323 6052; Fax: 325 2959**  
**Wewak: Phone/Fax - 856 1466**

### GOLD BUYERS

**Gold Buyers - Metals Refining Operations**  
 Offering the best price in PNG. No middle-man involved.  
 Come and sell your gold direct to the refinery.  
 Location: Section 451, Allotment 2, Kwila Estate, Cameron Road, Waigani  
 P.O. Box 3980, Boroko, NCD.  
 Papua New Guinea  
**Ph: 325 2647; Fax: 325 2959**  
**Website: www.metalsrefining.com.pg**

### BOOKS

For sale: The Pacific Series Text Books for Gr.5  
 Using English Pupils Book - Gr. 5 Books One, Two and Three. Gr. 5 Mathematics Student Book 5B (Dept of Education - PNG)  
 N. Hendry - Phone: 321 2811

*Dispela spes em bilong yu sapos yu advataisim nem na sevis bilong kampani bilong yu!*

## ADVERTISING RATE NOTICE

### WANTOK NIUSPEPA

Effective January 1, 2003 to December 31, 2003

### Display Advertising Rates

Rate Level	Kina Spend	Column/cm	% Discount	Thurs
Casual			0%	K5.00
1	K8,360	2,000	5%	K4.75
2	K20,350	5,000	7.5%	K4.62
3	K29,700	7,500	10%	K4.50
4	K38,500	10,000	12.50%	K4.37
5	K56,100	5,000	15%	K4.25
6	K72,600	20,000	17.5%	K4.12
7	K88,000	25,000	20%	K4.00
8	K102,300	30,000	22.5%	K3.87

NOTE:

1. All prices are subject to VAT
2. All agreement rates are based on a maximum 12 months commitment
3. All agreement rates are subject to written approval
4. Classified advertising column are double columns This is reflected in the rates.

### COLOUR CHARGES:

- One Spot Colour ..... K200.00
- Two Spot Colours ..... K400.00
- Three Spot Colours ..... K600.00
- FULL COLOUR ..... K800.00

### STRIP ADVERTISEMENT : THURSDAYS

Display K5.50 per classified col/cm  
 Lineage K2.75 per Lines (min 2 lines)

**FOR MORE INFORMATION CONTACT: OUR ADVERTISING DEPARTMENT**  
**PHONE: 325 2500; FAX: 325 2579; EMAIL: wordadvertising@global.net.pg**

# Wakawa tieta grup bai raun long Esia na Yurop

**WILLIAM NATERA i raitim**

WAKAWA Arts grup bilong Papua Niugini bai givim ol intanesenel komyuniti bikpela ai op stret wantaim ol singsing danis, bilas na ol kalsa bilong Papua Niugini taim ol i mekim raun i go long Esia na Yurop long dispela yia.

Dispela Ats grup bai soim ol pilai bilong ol insait long musik, singsing na ol danis. Ol i bin kisim singaut i kam long Intanesenel Tieta Institut Senta long Japan long stap insait long Intanesenel Arts Festival long mun Mas i go long Mei 28 long dispela yia. Dispela grup tu bai i soim ol pilai na danis bilong ol long Oproakeldais Intanesenel Folklore Festival. Long tok inglis ol i kolim The world is dancing in Warffum. Bai ol i stap tu insait long narapela tripela festival long Netherlands, tupela long Belgium, tripela long Jemeni na tupela long Frens.

Man i bin go pas long dispela tieta grup em olupela memba bilong Nesenel Tieta Kampani (NTC) Morris Dogimai. Namba wan grup stret em ol i bin statim long 1991 long Oro provins. Morris i bin stap longpela taim wantaim NPC tieta program na i amamas tru long laik na interes bilong planti yangpela manmeri long stap insait long ol tieta grup program olsem. Dispela program i kisim ol lain olsem Morris i go insait long ol ples na ol taun tu wantaim long trenim ol yangpela manmeri husat i gat interes long kain program olsem long statim na kamapim ol liklik tieta kampani bilong ol yet insait long ol provinsal na distrik na lokal level tu wantaim.

Morris husat em wanpela strongpela sapota bilong pasin tumbuna, ol kalsa na ol danis na singsing samting olsem na em i kolim nem bilong dispela grup bihainim tripela ples we 25 memba bilong grup i kam long ol. 14 em ol meri

na ol i bilong ples Wade, Katai na Wagadai olgeta long Oro provins.

Nem bilong dispela grup i kamap bikpela tumas olsem na ol i bin kisim singaut long go soim ol pilai bilong ol long Wol Ekspo long Saut Korea aninit long nem ol i kolim Saut Pasifik Babilon.

Tasol taim Wakawa i kam bek long provins grup i bin bruk daun we Morris i tok ol yut i no kisim gutpela sapot long Oro provinsal gavman.

Olsem na Morris i kam bek long Mosbi long las yia tasol planti yangpela manmeri i tokim Morris long noken westim dispela save bilong em long lukautim na ranim kain kalsa wok olsem. Olsem na em i mas kirapim gen Wakawa tieta grup gen. Olsem na Morris i rejistaim Wakawa gen na ol i statim grup wantaim 25 yut bilong Mosbi siti we ol i kam long wanwan provins na eria insait long Papua Niugini.

Ol manmeri makim wanwan provins na kainkain pasin tumbuna na kalsa bilong ol. Olsem na Morris i tok taim ol i putim kamap ol pilai bilong ol, ol i no makim tasol Oro provins. Tasol ol i makim Papua Niugini bikos ol memba i kam long olgeta hap bilong Papua Niugini.

Wanpela olupela memba bilong grup em Charles Gereia i bin stap wantaim grup long bipo i stap wantaim Morris gen na givim em ol sapot na helpim long wok bilong givim trenim we em i stap olsem sinia arts trena. Papua Niugini Arts Kaunsil tu helpim grup na ol i wok long kisim planti singaut na askim i kam long planti hap long go pilai na soim drama na ol kain tumbuna danis na singsing bilong ol.

Grup i bin soim kamap ol pilai na drama bilong ol pinis long Gordons Intanesenel Hai Skul long las yia, long mein wof we turis sip bilong Europa i bin kam sua long Mosbi long dispela yia na long dispela lain turis long wanpela ama-

mas kaikai long Botanikel Gaden. Grup tu i bin go soim pilai bilong ol long Intanesenel Investa insait long kantri tupela wik i go pinis. Ol dispela lain investa i gat laik tru long givim sapot long ol pasin tumbuna na kalsa bilong PNG.

Dispela sapot bai i go long PNG Arts Kaunsil. Dispela opis em Morris i gat bikpela bilip tru long en. I bin nogat wanpela gutpela sapot i kam longpela taim na ol manmeri o memba bilong grup i save olsem ol i mas wok hat yet long pilai bilong ol.

Wantaim dispela film piksa ol i bin

kamapim long Waigani Arts Centre long salim i go long ol ogenaisa bilong festival we dispela grup bai i go long en, ating ol bai i no inap yusim dispela kain toktok moa long bihain taim.

Wanpela bikpela samting em bikos i gat planti singaut na askim i kam long dispela kalsa grup i mas go na soim pilai bilong ol long ol ovasis kantri, i nogat wanpela helpim mani long sapotim wok bilong ol i kam long nesenel na provinsal gavman. Ating ol dispela bodi i laik lukim dispela grup i go het yet long bungim hat taim yet long wok bilong ol.

## NAU FM Top 20

Sponsored by Twisties

1. Strength Of A Woman	Shaggy
2. Boys Of Summer	DJ Sammy
3. My Island Girl	Straky
4. We've Got Tonight	Ronan Keating feat. Lulu
5. Dilemma	Nelly feat Kelly Rowland
6. Hey Ma'	Cam'ron feat Juelz Santana, Freesty & Toya
7. Unbreakable	Westlife
8. Thug Loving	Ja Rule feat Bobby Brown
9. One Love	Blue
10. Asereje	Las Ketchup
11. The Zephyr Song	Red Hot Chillie Peppers
12. Escape	Enrique Iglesias
13. Heaven	DJ Sammy & Yanou feat DO
14. I'm Right Here	Samantha Mumba feat Damien Marley
15. Stop Calling Me	Shakaya
16. Always On Time	Ashanti feat Ja Rule
17. Cleaning Out My Closet	Eminem
18. One Last Breath	Creed
19. Can't Stop Loving You	Phil Collins
20. Through The Rain	Mariah Carey

\*Songs rated on requests and dedications from listeners through mail, email and faxes to NAUFM music programs.

• Poto i soim Morris (namel) wantaim ol lain long Wakawa tieta grup.



## NATIONAL WEEKLY HIT PARADE

February 8, 2003  
Sponsored by Twisties

Song	Artist	Last Week	This Week
Aiwara	Shydeez	1	1(5)
Acting Aroma	K-Mala	3	2
Andoi	Irapson	2	3
Mi Still Lovem lu	Sharzy	4	4
Lokim Long Tingting	Augustine Emil	5	5
Dipsy Queen	X-Vibes	8	6
Wanaku	Augustine Emil	13	7
Gunan Na Variiam	Patti Doi	7	8
Blut Ikapsait	Augustine Emil	11	9
Pikinini Wass	Wass Kadoi	10	10
Ropsie	Patti Doi	0	11
Abi Subom	Shydeez	0	12
Mi No Marit	JWong/SBowman	6	13
Tokim Mi	Patti Doi	12	14
Wasike	Many	0	15
Jayjay Sih	Hausboi	15	16
Korit	Kanaka	16	17
Suffer	Uralom Kania	0	18
Fungasia	Aburat	9	19
Ana Dahil	Shydeez	19	20

<b>in</b>	Ropsie	Patti Doi
	Abi Subom	Shydeez
	Wasike	Many
	Suffer	Uralom Kania

<b>out</b>	Labour Of Love	Lista Laka
	Tau Soa Nei	X-Vibes
	Wass Medley	Wass Kadoi
	Meri Goroka	M-Parap



## KANAGE



Meri bilong Kanage i dai na liklik pikinini bilong Kanage i krai nogut tru. Kanage i no krai tumas bikos em lapun na sotwin i save kisim em olsem na em krai isi tasol.

Trangu lapun Kanage i no pinisim krai yet na liklik pikinini i stopim krai bilong em na bikmaus long papa Kanage olsem. Taim mama i stap laip yet yu no save mekim gutpela pasin long em. Yu save dring spak na ino save givim mani long mama. Yu save tok bai mama em seken han olsem na bai yu kisim wanpela bren niu.

Kanage harim na em i nogat tok na olgeta lain manmeri i harim na lap nogut tru long lapun Kanage.

**Robin Kembeto  
Kokopo**

Kanage bilong ples Pes insait long Aitape, Sandaun provins. Kanage em i stap long ples na Wol Woa 2 i kamap long ples. Na yupela save. Baga man i go insait long pait wantaim ol Jepen nau. Em i no westim taim. Em i pait i go i go inap 5-pela mun i go pinis nau na em i ting o ating pait mas pinis nau. Na em i laik wokabaut i kam ausait long rot. Na long semtaim Kanage harim enjin bilong ka na em tok tete bai mi salutim Jepen nau. Na yupela save Kanage i no save long we bilong salutim ol man tu. Kanage rausim trausis na em soim as long ol. Nau Jepen i stopim ka na ol i ron i kam long Kanage na singaut. Orait pikinini bai as i tok ples Jepen nau na bihain bai katim nek. Taim Kanage harim dispela sori em tingim pinis panisimen em bai kisim.

**Titus Kambotu  
Aitape.**

Kanage em bilong Arowe. Em save stailim nem bilong em olsem manki Arox. Na long wanpela de long Mandé i gat bikpela miling bilong kaunsilo wantaim ol komiti bilong em. Dispela miling ol i wokim long hap o long haus bilong wanpela komiti.

Olsem na olgeta manmeri i bung bilong harim toktok bilong kaunsilo. Kanage ya em poromanim wanpela diwai popo ol i planim raunim haus. Antap long diwai popo i gat tupela popo i mau gut tru. Orait Kaunsilo i pinisim stret toktok bilong en pinis. Em askim ol komiti bilong em long kirap long narapela samting. Em bilong stretim ol kes o trabel. Orait komiti i sanap na tok Gavman kes bai yumi stretim, em long pikinini meri bilong kaunsil. Manki Arox wantaim pikinini meri bilong kansol. Manki Arox, wantaim pikinini meri bilong kaunsila. Kanage kirap nogut long dispela samting, em belhat wantaim na tromoi kam long diwai popo. Tupela mao popo i lus antap i kam daun nabaut popo i pas long solda nabaut. Em makim stret het bilong Kanage na kam daun. Em pasim ai bilong em na i no inap lukluk trausis na siot i bagarap long wara na long mit bilong popo. Ol manmeri lus isi isi wantaim na i dai long lap. Olsem na ol i no go tru long kot bilong manki Arox na pikinini meri bilong Kaunsol.

**Elias M. Beni  
Rabaul**

Kanage i gat wanpela liklik brata. Liklik brata i gat wanpela yia na Kanage i gat tupela yia. Olsem liklik brata i save gat gridi pasin long Kanage. Kanage i bikpela pinis tasol em save dring susu yet. Olgeta taim liklik brata i save painim susu na Kanage i belhat nogut tru. Wanpela taim Kanage i kirap krosim brata bilong em na tok, yu

papa bilong susu? Mi em mi pas ya. Mi bin bikpela long em. Yu em yu nau tasol na gridi tumas traim na givim saps long mi tu. I no longtaim, Kanage i tingting long kilim brata bilong em long nait, taim papamama na liklik brata i slip pinis. Kanage i kisim marasin nogut na i go rapim long susu bilong mama bilong em. Em i ting sapos liklik brata i dring long nait bai em i dai. Tasol liklik brata slip i go na long tu lait em i kirap. Long moning taim Kanage i kirap long bet. Em i harim ol manmeri i krai long haus bilong em. Em i ting liklik brata i dai pinis. Bel bilong em i amamas tru. Tasol nogat mama i kam holim pasim em na tok olsem papa idai. Kanage i wari nogut tru na askim mama, olsem wanem na em i dai. Mama i tok long nait papa i dring susu na em idai. Kanage i tingting i go nogat na kirap tokim mama bilong em. Mi ting susu bilong mipela ol pikinini tasol olsem wanem, ol lapun tu a?

**Khmael Dau  
Lae**

Kanage i bilong Bogia. Wanpela taim danis i kamap long ples Tobenam na Kanage i gat bikpela laik tru long go danis. Tasol trangu em i nogat su olsem na em i go long haus painim su nogat, em lukim hap gambut na hap sendol i stap long kona bilong haus. Baga man ya kisim tasol 2-pela hap miks su tasol na painim soken long werim wantaim miks su bilong em. Kanage i tingting nogat em katim tasol 2-pela hap han bilong kol siot bilong em na samapim long string bilong hukim pis. Em nau Kanage i werim soken pinis putim miks su bilong em na boi, em askim man long geit 'hamas long geit'. Man ya tok K1.00. Taim em peim geit pinis na go insait man em lukim olgeta man kisim ol meri na danis wantaim. Tasol wanpela girile meri tasol putim hat na smuk na sanap arere long pawa ben i stap. Kanage isi tasol salitim long arere na go askim long em na 2-pela kirapim das. Kanage i ting olsem wanpela kumul stret ya em kisim na 2-pela kirapim das klostu tulait nau 2-pela laik holim pas na wokim hula hula danis. Man Kanage pilim olsem sanpepa, sutim em. Na meri tu lukluk i go daun long lek bilong em na

lukim miks su. Em nau 2-pela bruk isi isi na go longwe long 2-pela yet. Kanage pilim wari tru na krai wantaim na tok. Sanpepa bagarapim mi ya.

**John Dee Waunada  
Bogia**

Kanage i bilong liklik ples Malol insait long Aitape, Sandaun provins. Wanpela taim Kanage i go raun long Vanimo taun tasol Kanage ya i no save gut long tok pisin. Tasol baga man ya em i save tru long tokples. Wanpela taim nau Kanage i go raun long nambis taim em i wokabaut i go na wanpela waitman i kam bungim em long nambis. Waitman ya i tokim em olsem yu sanap, em nau baga ya i sanap. Em nau yu save waitman ya i sanapim em man baga ya i kisim pilings stret na i wokabaut i go long haus. Kanage i kam kamap long haus baga man ya kirap na tokim ol lain wantok long haus olsem wanpela waitman i holim mi tripela taim. Man ol lain wantok ya i harim na ol i kilim ol yet long lap stret na kaikai das bilong Vanimo.

**Richard Mirik  
Aitape**

Kanage em bilong Pamba Paka insait ong Westen Hailans provins. Wanpela taim Kanage i bin go raun long Hagen taun em bin lukim wanpela meri Not Waghi. Kanage i go klostu long meri ya na em toktok wantaim em. Kanage em bin konim em gut tru na kisim em i go long ples bilong em. Tupela stap long ples wok gaden na ol narapela wok stap i go sampela mun i go pinis. Wanpela taim meri bilong Kanage i gat bel na taim bilong em long karim pikinini. Long wanpela nait trangu meri ya em i no slip inap moning taim tru. Tupela susa bilong Kanage kam kisim meri i go long haus sik. Long haus sik meri ya i karim pikinini boi. Wanpela nes i kamaut long haus sik na tokim Kanage. Kanage meri ya karim wanpela boi. Kanage i tok top sot sot tasol nes i belhat long dispela tok Kanage i mekim. Na nes i askim em yu tok wanem? Kanage i tok nogat ol PX3 manki ol i stailim stret ya. Na em i tekov.

**Leo Neil  
Mit Hagen**

## KANAGE





## Ol meri Rabaul i fit nating

Dia Edita,

Mi wanpela meri bilong Rabaul tasol mi bin bon hia long Kimbe. Na nau mi laik bekim pas bilong susa Julie Simon i kam long *Wantok Nius*. Komplen bilong em i go long ol meri Rabaul husat i save kam salim buai bilong ol hia long Kimbe maket.

Nau yu laik komplem tasol long ol meri Rabaul. Na olsem wanem long ol narapela meri bilong narapela provins husat i save kam salim ol samting bilong ol hia long Kimbe maket.

Ating ol meri Rabaul tasol i save kam pasim olgeta spes insait long maket ya!

Na tu sampela long mipela i no save kam nating, mipela gat blok tu long hia olsem na sapos yupela i lukim olsem buai i sot liklik bai mipela i go long ples na kisim liklik buai bilong salim.

Na yu komplem tu olsem. Ating ol lain long Kimbe i no planim buai na daka. Yes, bipo i no bin gat buai na daka. Nau tasol dispela taim buai na daka i planti. Na yu komplem tu olsem. Yupela i save painim man tu long olgeta hap.

Olsem wanem ol meri Rabaul tasol i save painim. Mipela ol meri nogut ya. Moabeta yupela i no kam marit long wanem yupela i no save painim man.

Na hap tok tu olsem "bai i nogat sem bilong ol bikos ol i no save sem liklik."

Na tu yu noken kolim olgeta meri long Rabaul. Tingim pastaim na tok.

Em tasol liklik toktok bilong mi na sapos yu laik egensim tasol na rait i go long *Wantok Nius*.

Vake Tirati  
Kimbe, WNPB.

## Mariwana na trabel pasin bagarapim Wewak

Dia Edita,

Mi wanpela manki Wes Sepik provins mi stap long Wewak, Is Sepik provins. Long lukluk bilong mi, mi lukim Wewak taun em i bagarap olgeta.

Mariwana i bagarapim Wewak taun. Stil pasin i bagarapim Wewak taun.

Sori na lotu i no inap stapim dispela stil pasin. Plis i no inap stopim ol, em strong pinis.

Taim ol lotu i kamap long sait samting ya ol i kolim mariwana, SP, CB, na stil kamap tu long ausait.

Plis tu wankain, em i hat tru long stapim. Wewak taun em i bagarap olgeta.

Sori tru mi bin stopim plis ka samting olsem 10 kilok long nait. Plis tokim mi olsem mi wok wantaim kampani bilong ol. Na em mas givim ka bilong pikap.

Na, em i no seif olsem plis tu i no strongim kona bilong ol. Stil pasin, bia, pait na sutim man i kamap long Wewak nau bikos lo ino wok strong. Na em i hat stret.

Valerius Weigi  
Wewak, ESP.

## Skelim gut lida nau bilong 2007 ileksen

Dia Edita,

Planti taim mi save ritim long *Wantok Niuspepa* olsem ol i save toktok long wanwan memba long wanwan provins. Orait bilong wanem memba bilong ol i no save helpim ol. Ating ol memba i no save lukluk long pipel bilong ol.

Planti taim mi pasim ai na mi les tru. Sapos ol memba bilong yupela ol bikhet orait yupela mas wetim ol long 2007 ileksen.

Olsem na long taim long givim vot yupela mas lukim gut na givim vot.

I no ken vot nating nating na kain komplem bai kamap long *Wantok Nius*.

Skelim gut na glasim gut lida bilong yu na givim X long em. Sapos em i grisim yu long wanpela K50, yu kaikai tasol na laik bilong yu yet long votim man.

Monias Kanaka  
Kavieng, NIP.

Stretim gut  
edministresen bilong  
Is Sepik

Dia Edita,

Dispela pas nau mi raitim em long komplem long ol manmeri o ol pipel husat i save go long Wewak. Plis Stesen na krai o komplem nating long ol wok bilong Praivet Konsalten John Kriosaki husat i save wokim ol wok bilong Insurens na ol narapela Konsaltensi wok long helpim ol grasrut pipel long ples insait long Is Sepik provins.

Em wanpela pasin nogut tru long ol plis na bagarapim gutpela nem bilong Konsalten husat i gat

Gavman Laisens bilong IPA Opis long wokim dispela wok long 11 yia nau long 1992 i go 2003.

Long wok bilong ka eksiden em Konsalten husat i gat eksperiens na kwalifikesen tasol i save long wokim dispela wok na ol man nating wantaim ol plisman lain save mekim planti mani pinis na ating ol man i komplem ol i ken pasin maus na larim em pinisim ol wok bilong em.

John Kriosaki  
Wewak, ESP.

Salim pas i kam long:

The Editor  
Wantok Niuspepa  
P.O. Box 1982,  
Boroko, NCD.

Noken komplem  
long praiwet  
insurens konsalten

Dia Edita,

Mi laik long autim dispela de bilong planti ol edukesen lida bilong Sepik husat save bilong wanem na i gat tripela edministreta long sem pipel olsem ol i kisim potnait pe yet.

Namba wan taim Nesanel Eksekutiv Kausil i makim Nelson Hungrabos. Bihain em i stap long nau yet em Fantson Yaninen em bipo Provinsel Tresera bilong Fainens BMS bilong Is Sepik Dipatmen.

Olsem wanem dispela edministreta husat i stap saspensen bai kisim pe aut bilong em o nogat.

Toktok i wok long kamap nau olsem long peim dispela man em K900,000. Na Provinsel Gavman bai kisim mani we?

Mi laik askim Gavana Arthur Somare long tok kila long yumi bilong wanem i gat tripela edministreta o wanem taim bai Mista Hungrabos i kisim pe aut.

John Kriosaki  
Wewak, ESP.

Ol Midel  
Flai  
pipel i  
mas  
lukluk  
gut

Dia Edita,

Mi bin i stap tupela yia long Gogodala eria long Midel Flai distrik na lukim olsem em i wanpela bikpela eria wantaim planti manmeri.

Sapos yu kisim sip long Baimuru Galp provins, yu inap bihainim wara Barnu na kamap olsem long Bamutus, Wawoi fols, Kamusi lusim Barnu nau na bihainim Arama riva, yu ken kam olsem long Kenewa, Balimo, Awaba, Kania na Ali antap long het bilong Aramia.

Go moa yet, bai yu painim Lek Murray distrik. Abrusim lek Murray yu go daun long wara Flai na kamap long Stewart Ailan na go moa yet long Wasua.

Bihain yu raunim biksi na go bek gen long Barnu riva. Taim yu bihainim ol liklik wara bai yu kam olsem long Komo, Gobe na Erave long Sauten Hailens provins.

Em bai gutpela moa sapos ol lain we mi save long en i gat sans memba bai rait olgeta.

Plis Gogodala Lumasi votim trupela man bilong Gogodala.

Dedeboh Holeyah  
CLTC Banz, EHP.

# Wok didiman i stap long graun

Dia Edita,

Longpela taim tru i kam inap nau mi laikim stret long *Wantok Niuspepa* long raitim tingting bilong mi long *Wantok Niuspepa*.

Long Mande namba 6 de bilong mun Janueri, 2003 mi kisim *Wantok Niuspepa* bilong las wik Fonde 2 de bilong mun Janueri bilong yia 2002 namba 1,486 na mi lukim wanpela tok stap antap long fran kava bilong *Wantok Niuspepa* olsem Wok Didiman em i bun tru bilong PNG. Na ol i tok stap aninit i tok prais bilong kopra na vanila i go antap na moa na taitim bun tru long kirapim wok ekonomi olsem kopra, kakao, vanila na narapela samting moa bilong kisim mani i save kamap long graun.

Na *Wantok* i tok moa olsem strong bilong kina na toea bilong PNG em i go daunbilo tru na nau yet Sentrel Benk tasol i save holim pas liklik strong bilong kina na toea stap yet.

Dispela em i gutpela tok na em trupela tok, mi no raitim dispela tok long olgeta manmeri bilong Is Sepik na PNG, mi

raitim dispela tok long *Wantok Niuspepa* long yupela husat manmeri bilong Turubu bus na nambis na Sepik olgeta.

Mi laik tok olsem yumi husat i bilong Turubu yupela i stap wanem hap long kantri sait, em taim nau long yupela skelim yupela yet. Yupela ting yupela i nogat graun bilong wok didiman na yupela stap wok long kampani o long gavman na yupela kisim gutpela mani.

Orait yupela ken stap na mekim wok bilong yupela tasol. Sapos yupela i save olsem yupela i gat graun i stap nating tasol, i nogat wok didiman i kamap long ples bilong kisim gutpela mani long graun bilong yupela yet, plis mi askim strong olsem yupela olgeta i mas kam bek long ples na kirapim wok didiman,

Peter Uluma mi wanpela sinia kausela na fauna bilong Turubu LLG na nau long tete gavman bilong Turubu LLG mi stap olsem DPI Pot folio minista, wok aninit long David Kause na Francis Yabarisa Gavman olsem na nau mi singaut strong tru long Turubu pipel i mas wok didiman strong long kamapim moa kakao, moa

kopra, moa vanila, moa kopi, moa rais na moa katim diwai na salim gutpela timba long Sepik Agmak kampani long Wewak.

Mi askim strong Somare na Marat gavman long tok orait olsem man long ples i mas rejista wanwan lokel kampani na i mas larim eksport laisens igo long ol dispela lokel kampani long eksportim ol krops igo autsait long ovasis, dispela long wanem nau yet pasin stil i bikpela tumas long ovasis kampani. Ol lokel kampani bilong narapela man husat ino papagraun, dispela i as tru long man ples ino laik mekim planti wok didiman tumas bikos wok didiman em i ikonomi o bisnis bilong kantri PNG. Taim yu kolim didiman wok, em yu tokim man long asples kirap na wok strong long ikonomi na kantri kisim gutpela mani bilong en.

DPI minista Peter Ulama i singaut strong nau long Somare Marat gavman long lukluk igo daun tru wok didiman bilong man bilong ples.

Peter Ulama  
Wewak, ESP.

## Insurens klaien bilong Kobalia i kraik long mani long Wewak Plis Stesen

Dia Edita,

Wanpela man insait long Kobalia eria bilong Yangoru Saussia Ilektolet husat i bin kisim ka eksiden na em i go lukim Praivet Konsalten John Kriosaki husat i wokim planti wok long helpim long salim ol pepa wok na raitim ol pas i go long Motor Vehicles Insurens Ltd opis long Pot Mosbi bin kraik long Insurens mani long Wewak Plis Stesen na i laik kisim rifan long K250 we konsalten i sasim ol profesinel wok sevis em i makim K1,000.

Dispela man em i nogat save long wok bilong Insurens na em i slip nating long ples bilong em na

konsalten i wokim wok na go kotim em long Wewak Plis Stesen.

Em wanpela pasin nogut tru na tete yet konsalten i gat komplem pasin. Nogut tru na tete yet konsalten i go na olsem ol i bai i no inap kisim sevis long konsalten Kampani bilong em long ol yia i kam bihain.

Sapos husat i laikim sevis i go long Lae o Pot Mosbi na haiarim praiwet loya na wokim ol wok bilong yupela.

John Kriosaki  
Wewak, ESP.

# Mani i mekim wok tasol projek em narapela



Planti memba bilong palamen i save yusim ol EDF mani bilong ol long mekim wok long ilektoret. Tasol sampela taim ol i save putim mani i go stret long ol wok we i helpim pipel tasol risit na rekot bilong mani i go long dispela wok i no klia. Sampela taim ol lida i putim mani i go long wok tru bilong helpim pipel tasol dispela wok i no stap long baset plen o kontrak we mani i kam long en.

Wanpela memba i bin kisim sas pinis long dispela pasin maski em i putim mani i go long wok tru bilong helpim pipel tasol rekot bilong dispela wok i nogat long pepa o risit.

Olsem na long dispela kain pasin yumi laikim ol lida i mas tingim gut na save gut long wok bilong ol na wanem rot mani bilong helpim pipel i mas go long en.

Lo i stap ples klia tru olsem maski wok i mekim i gutpela bikos wok i kamap na ol pipel i kisim helpim na sevis tasol dispela wok i no bilong dispela mani. Em i olsem lida i paolim mani bilong narapela wok na putim long narapela wok. Sori olsem lida i ken kisim bikipela mekimsave long kalabus o lusim wok bilong em bikos long dispela pasin tasol we bel na tingting bilong em i no sut long mekim samting i rong tasol pasin em dispela i rong.

Planti lida o memba bilong palamen i no bin holim ol wok menesmen long opis bipo na ol i no save gut long menesmen bilong ol propeti o ol samting bilong opis, ol wokman na mani. Olsem na i moa gutpela taim ol nupela memba i kam kisim opis, ol opisa bilong Ombudsman Komisnin, Odita Jenerel, Pablik Prosekjuta na ol gavman dipatmen het i mas holim ol liklik skul wantaim ol memba na skulim ol long ol dispela liklik menesmen bilong opis na mani taim ol i holim na ranim wok long gavman. Tokim ol long wanem kain eksen ol inap mekim na i ken brukim lo bai dispela i mekim ol i luksave long sampela lo we i banisim ol long wok bilong ol.

Planti ol lida long olupela gavman i bin kisim hat taim long stretim rekot bilong mani ol i yusim long ilektoret wok bilong ol. Sampela i bin kamap long kot bilong Lidasip Traibunel na arapela bin risain pastaim long dispela kot i sanapim ol na sekim ol.

Sampela olupela memba olsem memba bilong Madang Jacob Wama, olupela Gavana bilong Oro provins Sylvenius Siembo, olupela memba bilong Jimi Bevan Tambi nau memba bilong Mendi Michael Nali na memba bilong Tewae Siassi Mao Zeming na arapela moa.

Sampela memba long bipo i bin raus long wok bilong ol bikos kot bilong Lidasip Traibunel i painim ol i abrus long soim rekot gut long mani ol i yusim long wok bilong ol.

Tingting bilong ol pipel bilong PNG nau em olsem ol lida na ol bikman bilong ol gavman opis i no save mekim wok bilong ol stret. Ol i save paulim mani. Dispela tingting i kisim ol pipel bikos ol i harim planti ripot bilong kotim i sasim ol lida, ol lo opis i tokaut long mani i paol long ol opis. Rekot blong mani i save bikipela tru na ol pipel i ting ol lida i mas kisim bikipela sas bikos long bikipela namba bilong mani.

Ol plisman i wok long mekim gutpela wok nau long sekim na painimaut na sasim ol lain i paulim mani bilong NPF.

Plis Komisina i tokaut pinis olsem ol i gat nem bilong 28 lain na ol i pinisim olgeta fail bilong ol pinis olsem na bai ol i kotim na sasim ol dispela lain liklik taim.

Ol i kotim na sasim pinis wanpela akaunten long tok giaman insait long kot bilong NPF enkwaitri.

Gutpela amamas long ol plis i mekim dispela wok i go strong nau bikos ol planti tausen membas bilong NPF i laik lukim tru tru ol lain i bin paulim traipela milien Kina bilong ol i mas kisim sas na kalabus long dispela pasin ol i mekim.

Planti bilong ol lain ya em ol lain bilong mekim wok bilong NPF, lukautim na givim sevis long NPF, mekim ol disisen long ron bilong NPF, ol lida igo pas long lukautim mani na interes bilong ol pipel long NPF. Olgeta i save long NPF i gat amas mani i stap na wanem wok ol i mekim em i lukim NPF i lusim planti milien Kina tru. Olsem na ol i mas kisim sas.



EM TV

06/02/2003

- 5.30 JOYCE MEYER
- 6.00 NINE'S EARLY MORNING NEWS
- 7.00 TODAY SHOW
- 9.00 CREFFLO DOLLAR
- 9.30 \*\*\*CLASSIFIEDS\*\*\*
- 2.30 SESAME STREET
- 3.30 FLINTSTONES
- 4.00 BUSH BEAT
- 4.30 DOWNLOAD
- 4.57 EMTV TOKSAVE
- 5.00 CATCH PHRASE
- 5.29 NEWS BREAK
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 6.59 NEWS UPDATE
- 7.00 LOTTO DRAW
- 7.01 CHM SUPERSOUND
- 8.00 TOK PIKSA
- 8.27 EMTV TOKSAVE
- 8.30 THIRD WATCH
- 9.30 LAW OF THE LAND
- 10.30EMTV NEWS REPLAY
- 11.00SPIN CITY
- 11.30BABY BLUE
- 12.00NIGHTLINE
- 12.30\*\*\*CLASSIFIEDS\*\*\*

- 6.00 NATIONAL EMTV NEWS
- 6.30 SEVENTH HEAVEN
- 7.30 60 MINUTES
- 8.30 SUNDAY NIGHT MOVIE: THE BIG TEASE
- 10.30WORLD CUP: SOUTH AFRICA VS WEST INDIES .....continues through to 6.15 Monday morning

10/02/2003

- 6.30 JOYCE MEYER
- 6.00 NINE'S EARLY MORNING NEWS
- 7.00 TODAY SHOW
- 9.00 CREFFLO A. DOLLAR
- 9.30 \*\*\*CLASSIFIEDS\*\*\*
- 10.20DEPT. OF EDUCATION: CLASSROOM BROADCAST
- 1.30 EMTV CLASSIFIEDS
- 2.30 SESAME STREET
- 3.30 BETLE JUICE
- 4.00 WONDER WORLD
- 4.30 DOWNLOAD
- 4.57 EMTV TOKSAVE
- 5.00 CATCH PHRASE
- 5.29 NEWS BREAK
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 6.59 NEWS UPDATE IN TOK PISIN
- 7.00 LOTTO DRAW
- 7.01 PRAISE
- 7.57 EMTV TOKSAVE
- 8.00 TBA
- 8.30 AUSTRALIA'S FUNNIEST HOME VIDEO SHOW
- 9.30 PREMIERE SPECIAL: HEART OF ICE
- 10.30EMTV NEWS REPLAY
- 11.00CHM SUPERSOUND
- 12.00NIGHTLINE
- 12.30\*\*\*CLASSIFIEDS\*\*\*

- 5.30 JOYCE MEYER
- 6.00 NINE'S EARLY MORNING NEWS
- 6.30 A CURRENT AFFAIR
- 6.59 NEWS UPDATE IN TOK PISIN
- 7.00 LOTTO DRAW
- 7.01 PRAISE
- 7.57 EMTV TOKSAVE
- 8.00 TBA
- 8.30 AUSTRALIA'S FUNNIEST HOME VIDEO SHOW
- 9.30 PREMIERE SPECIAL: HEART OF ICE
- 10.30EMTV NEWS REPLAY
- 11.00CHM SUPERSOUND
- 12.00NIGHTLINE
- 12.30\*\*\*CLASSIFIEDS\*\*\*

07/02/2003

- 5.30 JOYCE MEYER
- 6.00 NINE'S EARLY MORNING NEWS
- 7.00 TODAY SHOW
- 9.00 CREFFLO A. DOLLAR
- 9.30 \*\*\*CLASSIFIEDS\*\*\*
- 2.30 SESAME STREET
- 3.30 FLINTSTONES
- 4.00 WONDER WORLD
- 4.30 DOWNLOAD
- 4.57 EMTV TOKSAVE
- 5.00 CATCH PHRASE
- 5.29 NEWS BREAK
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 7.00 BACKYARD BLITZ
- 7.30 FRIDAY NIGHT MOVIE: STAR WARS
- 9.30 A LONG TIME AGO: THE STORY OF STAR WARS
- 10.30EMTV NEWS REPLAY
- 11.00TULAIT

11/02/2003

08/02/2003

- 7.30 DON CLOWER'S MINISTER: "TODAY'S LIVING"
- 8.00 PLANET FANTA
- 9.30 HI-5
- 10.00GYM JAM CLUB
- 10.30PINKY & THE BRAIN
- 11.00PIG'S BREAKFAST
- 11.30CHALLENGER
- 12.00THE EDGE
- 12.30EARTH REPORT II
- SERIES: SRI LANKA ROADSHOW
- 1.00 DOCUMENTARY: WHY DOGS SMILE & CHIMPANZEEES CRY, PART I
- 2.00 DOCUMENTARY: WHY DOGS SMILE & CHIMPANZEEES CRY, PART II
- 3.00 LOCATION LOCATION
- 3.30 BACKYARD BLITZ
- 4.00 BURKE'S BACKYARD
- 5.00 FISHING WILD AUSTRALIA
- 5.30 LEISURE WORLD
- 6.00 NATIONAL EMTV NEWS
- 6.30 CITY HALL
- 7.00 JAG
- 7.57 EMTV TOKSAVE
- 8.00 SOUTH PACIFIC MUSIC
- 9.00 SURVIVOR THAILAND
- 11.00SURVIVOR THAILAND: THE REUNION
- 11.30TULAIT

- 5.30 JOYCE MEYER
- 6.00 NINE'S MORNING NEWS
- 7.00 TODAY SHOW
- 9.00 CREFFLO A. DOLLAR
- 9.30 \*\*\*CLASSIFIEDS\*\*\*
- 10.20DEPT. OF EDUCATION: CLASSROOM BROADCAST
- 1.30 EMTV CLASSIFIEDS
- 2.30 SESAME STREET
- 3.30 BETLE JUICE
- 4.00 GOODSPOITS
- 4.30 DOWN LOAD
- 4.47 EMTV TOKSAVE
- 5.00 CATCH PHRASE
- 5.29 NEWS BREAK
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 6.58 NEWS UPDATE
- 6.59 LOTTO DRAW
- 7.00 WORLD CUP: AUSTRALIA VS PAKISTAN .....continues through to 6.15 am Wednesday

09/02/2003

- 6.22 CHIT CHAT
- 6.27 EMTV TOKSAVE
- 6.30 TIM HALL MINISTRY
- 7.00 THE TECHING MINISTRY OF CHARLES STANLEY: IN TOUCH
- 7.30 IT IS WRITTEN
- 8.00 BUSINESS SUNDAY
- 8.30 SUNDAY
- 11.00SIGNS OF THE TIMES
- 12.00WORLD IMPACT
- 12.30TOYOTA WORLD OF WILDLIFE
- 1.00 THE COLD WAR DOCUMENTARY: SAHARA, PART 1
- 2.00 DOCUMENTARY: SAHARA, PART 2
- 4.00 SUNDAY AFTERNOON MOVIE: GAS LIGHT

- 5.30 JOYCE MEYER
- 6.00 NINE'S EARLY MORNING NEWS
- 7.00 TODAY SHOW
- 9.00 CREFFLO DOLLAR
- 9.30 \*\*\*CLASSIFIEDS\*\*\*
- 10.20DEPT. OF EDUCATION: CLASSROOM BROADCAST
- 1.30 EMTV CLASSIFIEDS
- 2.30 SESAME STREET
- 3.30 FLINTSTONES
- 4.00 WONDER WORLD
- 4.30 DOWNLOAD
- 4.47 EMTV TOKSAVE
- 5.00 CATCH PHRASE
- 5.29 NEWS BREAK
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 6.59 NEWS UPDATE
- 7.00 LOTTO DRAW
- 7.01 SPECIAL PRESENTATION: ROBBIE WILLIAMS
- 8.27 EMTV TOKSAVE
- 8.30 WEDNESDAY NIGHT MOVIE: OTHELLO
- 10.30EMTV NEWS REPLAY
- 11.00SOUTH PACIFIC MUSIC
- 12.00NIGHTLINE
- 12.30\*\*\*CLASSIFIEDS\*\*\*

## BETDE GRITINGS

Hepi 26th BONDEI 2 the most charming prince **Mr. "RAW"** of Lihir - the hot pot Island of Gold.

Lav na betdei gritings i kam long ol family na friends bilong yu long Lihir, Rabaul, Lae, Pom CT na Wewak. Last but not the least em spesol one stret i kam long Martina na Sonny Boy James Ko-ou.

Sonny Boy is missing yu tumas na wants to see ya soon!!

Ya, Lihir is beautiful and so you are!! You are the best and still the one. Laikim yu nating tru!! na lauro catch mɔlai....

## Namba Seven Betde Gritings long tupela twins

**JACOB NA JOSHUA YAMAN**



*bilong Lapwing Drive, Gordons long tumora Fraide Februari 7, 2003.*

Betde gritings na lav i kam long ol anti na ol ankol long ples Kamanibit na Kaganamon insait long Is Sepik provins. Na spesol lav i kam long anti Priscilla na mama Alice na bubu meri tu long Lapwing Drive, Gordons.

Tok amamas tu i kam long Tangit famili long 5 Mail, na spesol wan i kam long ol poro long Lapwing Drive olsem Larry, Laurin, Mali, Jill, Lena na Noreen.

Laikim yutupela nating tru!

God i ken blesim yutupela long dispela spesol de.

## WANTOK TOKSAVE KONA

Salim ol toksave i kam long Wantok Edita, P.O. Box 1982, Boroko, NCD or phone 325 2500, fax 325 2579



## FUNERAL SERVICE PROGRAM



for the Late **SELAN GUYU (SEKO NANDE)**

FRIDAY, 7 FEBRUARY 2003


1. Body depart Funeral Home for Gerehu Stage 1 at 1.30 pm and arrives at the Church Ground Resurrection around 2.30 pm.
2. Service starts at 2.45 - 3.30 pm. Order of service will be provided.
3. After the service, the body departs for residence to overnight at Stage 1, Debona Street.
4. The body leaves residence and departs for the airport at 4.00 pm on Saturday, 8th February 2003 on PX 100 for Lae, Morobe Province.

Sadly missed by all the tribe from Gerehu area and not forgetting friends and relatives in Port Moresby and Lae 2 Mile (Buang), Lae, Morobe Province.


*May His Soul Rest In Peace*




• Eric Petrus (lephan) bilong Pangtel laik rausim bal long birua bilong em long IRC taim tupela tim i bung long fainel bilong Pablik Sevans soka resis. Pangtel win 2-1. • Lephan: Itari Lahari bilong Zerupi tim i siksti long kisim bal egensim ol meri Paradise long Hohola op-sisen basketbal resis long Sarere. Tim bilong em pilai strong na win 21-18. *Oi poto: JOE IVAHARIA.*



• Pilaia bilong Waliya i painim spes long ron taim ol i bungim Kone Tigers long ragbi lig 9's resis. Tupela tim i dro 14-14 long pul gem bilong ol na ol i bung gen long fainel we Tigers i win 14-10.



• Pilaia bilong Air Niugini i laik rausim bal tasol birua bilong em Pangtel (bak-sait) i bagarapim stail bilong em. Kain pilai save kamap long Pablik Sevans soka resis.



• Oi bol bilong Kayo Storms i bung takol long pilaia bilong Hohola Magpies long Okkaihens op-sisen lig resis long Sande. Magpies win 18-4. • Lephan: Kawage Gagma bilong Royals i brukim banis bilong ol bol Post Puma tasol i no inap na tim bilong em i lus 18-12.



**Toksave**

Salim ol dro, risalts na poin lada i kam long Wantok Niuspepa long Tunde olgeta wik. Salim long Spots Edita: Fax: 325 2579 o ringim em long telepon no: 325 2500

**PORT MORESBY MEN'S SOFTBALL DRAW**

Sunday 9th January, 2003

**Game 13**

- A Grade - Diamond One  
 Manalos (Gate)  
 09.00 Manalos vs Norths Hawks  
 10.30 AB Bears Elcom  
 12.00 North Hawks vs Brown Eagles  
 13.30 AB Bears Gazelle  
 15.00 Karanas Elcom

- B Grade - Diamond Two  
 09.00 Brown Eagles vs Admiralty  
 10.30 Dolphins vs Gazelle  
 12.00 Manalos vs Admiralty  
 13.30 AB Bears Gazelle  
 15.00 Karanas Elcom

- B Grade Diamond Three  
 10.30 Karanas Kopex vs North Hawks  
 12.00 Karanas Kopex vs Dolphins  
 15.00 AB Bears vs Brown Eagles

C Grade - Diamond Three  
 13.30 Manalos vs Samurai  
 bye: Elcom

**PORT MORESBY WOMEN'S SOFBALL ASSOCIATION 2002-2003 SEASON DRAW**

Saturday, 08 February, 2003

- Round 2 Week 12  
 DIAMOND THREE  
 0900 B Chebu vs Manalos  
 1030 C Gazelle vs All Stars  
 1200 C SP vs Manalos  
 1330 A Norths vs Dolphins  
 1500 A AB Bears vs Gazelle

- DIAMOND TWO  
 0900 C Dolphins vs Kopex  
 1030 B AB Bears vs Wantok  
 1200 C Admiralty vs Royals  
 1330 A Wantoks vs All Stars

1500 A Admiralty vs SP

DIAMOND ONE  
 0900 C Norths vs Royals  
 Bye: Chebu - A grade

**NCD PUBLIC SERVANTS SOCCER ASSOCIATION DRAW**

Saturday, February 8, 2003

- BISINI ONE  
 0800 QF1 Pangtel vs Air Niugini (m)  
 1000 QF2 CAA vs Cellnet (w)  
 1200 QF3 IRC vs Parliament (w)  
 1400 QF3 A/General vs PM/NEC (m)

- BISINI TWO  
 0800 QF1 RPNGC v National Parliament (m)  
 0950 E8 Lands/PP vs Finance/Planning (w)  
 1115 QF1 PNG Power vs Education (w)  
 1250 QF4 Forestry v SSD McGregor (m)  
 1530 QF4 A/General vs winner Lands /Finance Planning (w)

SUNDAY, February 9, 2003

- BISINI TWO ONLY  
 0800 SF2 winner A/General/Prime Minister NEC vs winner Forestry/SSD McGregor (m)  
 1000 SF2 winner IRC/Parliament vs winner A/General/Lands/Finance (w)  
 1200 SF1 Winner Education/PNG power vs Winner Cellnet/CAA (w)  
 1400 SF1 winner RPNGC/Nat Parliament vs winner Pangtel/Air Niugini (m)

**FILIPINO BASKETBAL ASSOCIATION**

Sunday, February 09, 2003

- Don Bosco Technology Institue  
 1300 Clean Master Pro Guard vs PNG Masters  
 1400 CBL Under 18 vs J&E Electricals  
 1500 Interlec Megavolts vs CHM Super Sound  
 Bye: Patrick's Transport

**OKKAINHENS SPORTS ASSOCIATION**

Sunday, February 9, 2003

- Hohola Sports Oval  
 B GRADE  
 0700 Kaiyo Storms vs Kanage Spiders  
 0730 JV Bulldogs vs JV GH Eagles  
 0800 Hohola Magpies vs Linupa Panthers  
 0830 Usu United vs Yamaso Raiders  
 0900 Kay Heroes vs Negifi Bears  
 0930 KT Maroons vs Morata Hawks  
 1000 BP Knights vs Waribi Brothers

- A GRADE  
 1100 Kaiyo Storms vs Kanage Spiders  
 1230 JV Bulldogs vs JV GH Eagles  
 1300 Hohola Magpies vs Linupa Panthers  
 1430 Usu United vs Yamaso Raiders  
 1500 Kay Heroes vs Negifi Bears  
 1630 KT Maroons vs Morata Hawks  
 1700 BP Knights vs Waribi Brothers

**HOHOLA BASKETBALL ASSOCIATION**

Saturday February 08, 2003


- (OFF-SEASON) - Hohola Sports Oval  
 Qualifying Finals  
 1000 Kama vs Bay Watch (w2)  
 1100 Cedar vs Figgy (m2)  
 1200 Paradise vs Erima (w1)  
 1300 Louka vs Kama (m1)  
 Bye: Erima (m1), Darks (m2)  
 Bay Watch (m2), Beech (w2)

Sunday, February 09, 2002

- Elimination Finals  
 Cedar vs Figgy (w2)  
 Paradise v Beach (m2)  
 Louka vs Zerupi (w1)  
 Zerupi vs Darks (m1)

Sunday February 23, 2003



- 0830 Louka vs Paradise (women)  
 0900 Louka vs Paradise (men)  
 0930 Beech Roller vs Cedar (women)  
 1000 Beech Roller vs Cedar (men)  
 1030 Bay Watch vs Zerupi (women)  
 1100 Bay Watch vs Zerupi (men)  
 1130 Kama vs Erima (women)  
 1200 Kama vs Erima (men)  
 1230 Darks vs Figgy (women)  
 1300 Darks vs Figgy (men)



• Pilaia bilong Zerupi, Madeline Lahari i painim wan sapot bilong em long Hohola basketbal resis egensim ol Paradise meri. Zerupi i winim gem 21-18. Ol poto: JOE IVAHARIA.



• Pilaia bilong Air Niugini i laik traim long trikim pilaia bilong Cellnet long Publik Sevan Soka resis on Sande. Air Niugini win 1-0.



# Lae Bisket givim K20,000 long PNGFA

**HENRY MORABANG  
i raitim**

NAMBA wan bisket kampani long kantri, Lae Biscuit, i givim K20,000 sponsasip i go long Papua Niugini Futbol Asosiesen (PNGFA).

Ektng sekretari bilong PNGFA Noel Mobiha i tokaut ol lain kontrakta i givim ki bilong ol nupela opis bilong soka i go long FIFA na bihain FIFA i givim i go long PNGFA long Lae las wik.

Em i tok olsem em i namba wan taim wanpela bisket kampani insait long kantri i helpim soka na dispela bai helpim tru nem bilong soka.

Mausman bilong kampani, Fabian Chow i tok olsem em i amamas tru long sapotim soka bikos em i bilip olsem soka bai helpim

kampani bilong em i gro bikpela.

Dispela sponsasip Lae Bisket kampani i givim em bilong helpim ol provinsal tonamen. Sampela ol provinsal tonamen i kisim helpim pinis em Alotau, Popondetta na Bougenvil.

Hap mani bilong sponsasip em Lae Bisket kampani bai sponsarim wanpela rum bilong nupela soka akademi.

Mista Chow i tok olsem wanpela bisnis man, soka i mas i gat ol profesenel maketing man long lukautim ol sponsa. Dispela em i wanpela bikpela hevi bilong soka nau long kantri.

Soka nau long kantri i toktok pinis wantaim tripela bikpela kampani. Na ol dispela kampani i redi tasol long helpim soka.

Em i tok nau PNGFA na ol soka lain i gat wok long lukautim ol sponsa.

## Lae Pablik Sevans gat plen bilong yut kompetisen



• Ol susa long DCA i kisim poto long NCD Pablik Sevan kompetisen.

LAE Pablik Sevans `Soka (LPSSA) i LPSSA kompetisen long 2003/2004 gat wanpela plen pinis long kamapim sisen. yut kompetisen long ran wantaim Siaman bilong LPSSA Richard

Nagai i tokaut long dispela bihain long wanpela miting long Lae. Tasol em i tok dispela kompetisen em bilong ol pikinini, krismas bilong ol aninit long 16-19.

Nagai i tok olsem ol pikinini krismas bilong ol 19-21 i mas go joinim ol lokal klab long Lae Futbol Asosiesen (LFA) na Lahi kompetisen.

Em i toktok strong olsem dispela kompetisen em bilong ol wokman husat i pablik sevans.

Ol top faiv tim long wanwan pul bai salensim ol yet long taim bilong fainel.

Mista Nagai i tok olsem ol i no makim yet de bilong greni fainel. Ol prais em mani na tu ol tropi em ol bai givim long ol tim husat i pinis antap.

Siaman i tok olsem ol bai yusim emploimen namba na payroll namba long sekim ol pilaia. Na tu ol wanwan dipatmen na tu ol statutori bodi long givim rekot bilong ol wokman bilong ol.

Ol komiti em Ms Vanessa Kila (tresera), Patrick Pahu (referi), Richard Saranduo (judiseri), Augustin Wampe (sekretari), Roy Bunker (Players Status) na John Nicholas (sponsasip).

## PMSA bai holim AGM long Feb 8

NAMBA wan soka senta insait long kantri, Pot Mosbi Soka Asosiesen (PMSA) bai holim anuel jenerel miting bilong em long dispela wik Sarere (Februari 8).

Presiden bilong PMSA Fabian Chow i tokim *Wantok Nius* olsem dispela

miting em i bikpela na i askim oigeta klab deliget long kamap.

Em i tok bai i gat planti ol bikpela toktok i kamap long miting. Tasol namba wan bikpela samting em - toktok bilong graun Portion 1554 long Sir John Guise stadium.

Mista Chow i tok ol ajenda bilong miting em:

- Presiden ripot
  - Tresera ripot
  - Komiti ripot
  - 2003 Soka Kalenda
  - Na 2002 Operesen ripot.
- Presiden i tok tu olsem sampela ol toktok bai

kamap em 2003 bai gutpela sisen stret.

Wanpela bikpela toktok em i gat 8-pela spes i stap long Namba tri Divisen.

Em i askim husat lain i laik stap long miting i mas baim afiliesen pastaim long kisim pawa long tromei vot.



## PAPUA NEW GUINEA FOOTBALL ASSOCIATION

### NOTICE TO MEMBER ASSOCIATIONS

The PNGFA Secretariat advises that as of Friday 31 January 2003, 21 of the 23 Affiliate Associations of 2002 have paid their annual subscription. There is an application for renewal of membership for five former member associations and three new affiliates. This brings to a total of 29 Associations that have paid their subscription fees. New Associations **DO NOT** automatically qualify as they must apply using procedures laid out under **Rules 5 & 6** of the PNGFA Constitution. The PNGFA Executive will decide on the registration of the former affiliates and a decision will be handed down shortly.

Under **Rule 12** the nominations for the President, Senior Vice President and Junior Vice President is to be submitted by 21 February 2003 to be eligible for election. 6 Executive Committee Members will be appointed at the General Meeting. The application forms are available at the PNGFA Secretariat in Lae.

One Presidential nomination has been received. He is Mr Ainea Sengero who has been nominated by Lae Football Association and seconded by Nadzab Soccer Association.

As per PNGFA Constitution **Rules 23 & 30**, we also advise that quality and high ethics professionals (women & men) are invited to apply for membership for the following PNGFA Sub-Committees: Finance (5), Fixtures (2), Youth (2), Women's football (2), Referees (2), Technical (2), Players Status (2), Disciplinary and Appeals (2). Positions on these Committees are honorary and **DO NOT** carry a salary. Please send your application form with a curriculum vitae with names of 3 referees to the Secretariat in Lae. Tel: 479 1998 Fax: 479 1999 Email: [pngsoka@datec.net.pg](mailto:pngsoka@datec.net.pg)

*Noel Mobiha Acting General Secretary  
Papua New Guinea Football Association Inc.*

## Lam i laikim Maroon No 7

KEPTEN bilong Papua Niugini Kumuls Adrian Lam i givim sevis bilong em long kamap hapbek bilong Kwinslen Maroons long 2003 Stet ov Orijin series.

Namba wan hapbek Allan Langer i risain na dispela jesi bilong em nau bai stap namel long ol pilaia olsem Shaun Berrigan, Scott Prince na Paul Green.

Em i tok em i redi tasol long flai i kam long Inglan long pilai Stet ov Orijin na go bek gen tasol em i no ting dispela bai kamap.

Dispela em i las yia bilong mi long Inglan, na mi bai givim olgeta samting long mekim mi

i kamap gut.

Sapos wanem ol samting i kamap, em i mas kamap.

Allan Langer i pilai wantaim Warrington long 2001 taim kosa Wayne Bennett i kisim i kam long helpim Maroons i win.

Lam i autim tingting bilong em bihain long Kumul i lus long France 28-8. Em i bin pilai 14 gem bilong Maroons na em i keptenim Maroons taim ol i winim Nu Saut Well 3-0 long 1995.

Kepten bilong PNG i tok em i amamas tru long Wigan i larim em i kam pilai long Papua Niugini.

"Mi laik tok tenk yu

long siaman Maurice Lindsay husat i no tok nogat taim mi askim em long kam pilai long PNG."

Olpela pilaia bilong Sydney Roosters i gat wanpela yia i stap long kontrak bilong em wantaim Wigan.

Las taim Lam i pilai long Australia em taim Roosters i salensim Brisbane Broncos na ol i winim ol 28-0. Lam i laik pinisim ragbi lig long Australia tasol nau yet em i laik pinisim laik long Super Lig long Ingland.

Wigan i gat ol gutpela pilaia, na gutpela kosa na olgeta samting i orait tasol long Ingland.



• Wanpela pilaia bilong Royals i kaikaim tit taim ol boi Post Puma i takolim em long ragbi 9's resis bilong ol. Kain difens i mekim na ol Post Puma i win 18-12.

## Singaut long rausim Kumul kosa

WANPELA singaut nau long Papua Niugini Ragbi Futbal Lig (PNGRFL) long rausim kontrak bilong Kumul Bob Bennet olsem nesenel kosa bilong PNG Kumuls.

Dispela singaut i kam long wanpela sapota bilong ragbi lig Winnis Map bihain long PNG Nains tim i no pilai gut long Wol Nains tonamen las wik.

PNG Nains tim winim wanpela gem egensim Samoa 30-22 na


lus long France 28-8 long pul bilong ol. Na ol i go long kwata fainel long bungim Aborigines husat i nekim ol 28-16.

Map em i wanpela olpela spot ripota na i save bihainim ragbi lig na soka i no amamas tru long kain we Bob Bennett i lukautim nesenel tim.

Em i askim PNGRFL long tingting gut na rausim Bob Bennett na makim nupela kosa bilong Kumul.

Map i tok em i bilip olsem PNGRFL i guria nating long lukim Wayne Bennett bilong Brisbane Broncos i kamapim gutpela kosing na i ting Bob tu bai wantaim. Tasol em i tok Wayne na Bob em tupela nara-pela man.

Em i tok maski tupela i brata, Wayne em i save moa long Bob, na PNGRFL i noken skelim gutpela wok bilong Wayne na holim Bob Bennett olsem kosa.



• Fulbek bilong Rabbitohs Joshua i painim spes long Gordons tas resis long Sande. Ol Rabits i win 18-10. Foto: JOE IVAHARIA.

## Tigers winim PRL Nains

KONE Tigers i soim pinis bikipela laik long winim 2003 Pot Mosbi Ragbi Lig taitel bihain long ol rekim tupela taitel pinis.

Namba wan, Tigers i winim Sevens na las wik tasol ol i soim tru pawa bilong ol long winim Nains tonamen.

Lapun na kosa bilong Tigers Stanley Haru i tokaut olsem dispela i soim ol gutpela sain olsem klab bilong em i redi long winim tru taitel.

Na long wankain taim tu, Haru i singaut tu long ol sponsa long kam sapotim klab bilong em. Em i askim na painim wanpela gutpela kosa long strongim na kosim klab long 2003 sisen.

Haru em olpela kepten bilong PNG Kumul i tok olsem em i gat planti wok tasol em i laik lukim Tigers klab i mas strong yet.

"Mipela i laikim gutpela kosa long bungim ol pilaia," em i tok.

Kone Tigers na Waliya i dro long ful taim 10-10. Olsem na ol i pilai 15 minit long painim husat tru em i sempion.

Aninit long rul bilong tonamen, husat i skorim namba wan trai em i winim dispela tonamen. Tasol i nogat wina i kamap long fultaim olsem na ol i mas pilai ekstra taim long painim husat i win.

Tasol insait long namba wan minit long ekstra taim, Peter Kulin i kisim

wanpela gutpela bal long rait wing na givim siksti na skorim trai long winim gem.

Haru i tok Kone Tigers i pilai gut tru na ol i givim strongpela salens long ol boi bilong em.

Long hap taim, Tigers i go pas long skoa 6-4.

Tasol bikipela samting i brukim tupela tim em fitnes bilong Tigers i mekim ol i win. Planti ol pilaia bilong Kone Tigers i save pilai long Morata Op-sisen lig long Kone Tigers oval.

Stanley Tepend, olpela faiv-et bilong Kumul i kamap gutpela pilai stret. Em i wok long ranim gem bilong Tigers.

I gat tupela trai, referi John Sarufa i tok nogat long em. Wanpela em taim Eric Gabriel i skorim taim em i kisim wanpela gutpela bal i kam long Tepend.

Trai bilong Waliya i kam long Leo Segera. Tasol bihain long tu minit, Getsi Miki i skorim trai na Hicks Hulake i kikim dispela konvesen na levelim skoa long go ekstra taim.

Tigers i winim Royals 16-6 long semi fainel na Waliya i nekim Tarangau 14-10 long pilai long fainel.

Na long Plet divisen, Souths i winim taim ol i rausim ol Brothers 12-4 na Defence i bagarapim tru sindaun bilong Dobo Warriors 22-8.

# PAINIM BAL

## RESIS NAMBA 1





**RUL BILONG PILAI:**

1. Makim X long boks long potu yu ting bal i stap
2. Makim X long pen tasol
3. Katim potu long sisos na salim long: **PAINIM BAL RESIS NAMBA 1**  
Wantok Niuspepa,  
P.O. Box 1982, Boroko, NCD.
4. Namba wan entri i makim stretpela hap bal i stap, em bai win.
5. Las de bilong kisim ol entri em pinis bilong olgeta mun.
6. Long Wantok bilong Januari 30, bai gat nupela K250 prais mani resis. Bai gat resis bilong olgeta mun i go inap mun Desemba, 2003.
7. Disisen bilong komiti i makim wanpela wina em i fainel.
8. Wina bai kisim sek mani, na i no long kes.
9. Sapos nogat wina bai skruim win moni i go antap long nara-pela resis.
10. Yu ken salim moa long wanpela entri, tasol noken yusim potu kopi.
11. Ol wokman meri na pikinini bilong Wantok niuspepa i no inap stap long dispela resisi.

Raitim nem na adres bilong yu:

Nem.....

Address..... Krismas .....

# WANTOK SPOTS

## 29 senta i baim afiliesen

### HENRY MORABANG i raitim

SAMTING olsem tupela ten nain (29) soka asosiesen i baim afiliesen pinis wantaim Papua Niugini Futbol Asosiesen (PNGFA) long dispela yia.

Ekting general sekretari bilong PNGFA Noel Mobiha i tokim *Wantok Nius* olsem sampela senta i baim ful na sampela i baim hap fi tasol long afiliet.

Oi lain i baim ful afiliesen fi (K1,250) em Pot Mosbi, Kokopo, Lahi, LFA, Nadzab, Bulolo, Wau, Gaifar, Boana, Finschafen, Vanimo, Aitape, Bel, Wewak, Rabaul, Buka, Higaturu, Alotau na Kavieng.

Oi senta i baim hap tasol em Nu Briten Oil Palm, Kaiapit, Goroka, Mt Hagen, Kimbe, Madang, Erave, Hekari, Not Wes Manus, Kundiawa na Enga.

Mobiha i tok olsem olgeta lain i baim fi bipo long de bilong baim fi i pas long Januəri 31.

Em i tokaut tu olsem wanpela kendidet bilong PNGFA presiden Ainea Sengero na komiti bilong em i baim fi bilong 16 senta olsem. Oi senta em Sengero i tromoi mani long traım winim ileksen em LFA, Nadzab, Bulolo, Wau, Gaifar, Boana, Finschafen, Vanimo, Aitape, Bel, Wewak, Rabaul, Buka, Higaturu, Alotau na Kavieng.

Sengero i tromoi K20,664 long baim fi bilong afiliesen bilong ol lain senta.

*Wantok Nius* i save olsem mausman bilong Sengero John Peka i wok long grisim Madang Soka Asosiesen tasol ol lain Madang i tok ol yet bai makim wanem presiden ol i laikim.

Presiden bilong Madang Soka Asosiesen Clement Kongate i tokim *Wantok Nius* olsem em i toktok wantaim John Peka.

"Peka i askim mi long baim afiliesen fi tasol mi tok Madang i gat mani na em yet

bai baim fi.

"Mi no laik kisim mani long John Peka bikos ileksen bilong PNGFA presiden i kamap na dispela bai i no soim gutpela nem bilong em olsem wanpela wokman bilong British American Tabaco (BAT) long Madang.

"Mi tokim Peka olsem Madang bai wet pastaim na bihain makim wanem ol man em i ting i ken bringim soka. Na i no'man husat i ken toktok na bihain bilong em bai dai," Kongate i tok.

Sengero em bai resis long sia bilong presiden egensim David Chung (Hailens Rijnel Soka), Kisaku Posman na Seth Daniel.

Mobiha i tok dispela namba bilong ol senta i afiliet i winim tru las yia. Em i tok las yia i gat 24 senta tasol i afiliet wantaim nesenel soka bodi.

Em i amamas long lukim namba bilong ol senta i afiliet. Tasol nau yet em i pret liklik long wanem planti ol asosiesen i wok long kamap long Morobe tasol.

*Wantok Nius* i save olsem aninit long lo bilong membasip long PNGFA konstitusen, ol eksekutiv bilong PNGFA tasol i ken givim pawa bilong ol long kamap memba o nogat.

Sapos ol i laik kamap memba ol i mas aplai na tokaut long edministretiv straktsa bilong ol na tu ol i mas gat soka fil bilong ol yet.

Taim ol i aplai, ol i mas salim pas. Na PNGFA eksekutiv i mas bung na skelim na givim tok orait. Sapos nogat, ol bai givim bek mani i go bek long wanwan asosiesen.

Mobiha i tok olsem em bai salim olgeta risit bilong afiliesen i go long wanwan asosiesen na i no go long komiti bilong Sengero bikos dispela bai kamapim rabis pasin - bribery.

Oi sampela senta husat i no givim nem yet em Manus, Balopa, Not Goroka, Kerema na Tabubil.



• Propeti menesa bilong PNG Spots Komisın John Paliu (lephan) Presiden bilong Pot Mosbi soka Fabian Chow na patron bilong em Benny Popoital i toktok wantaim ol niusman taim ol i stretim wanpela MOU namel long PMSA na PNG Spots Komisın.

### Lens i winim Yunivesiti

WANPELA strongpela pilai bilong NDC Pablik Sevans Volibal kompetisen i bin kamap namel long Lens/Physical Plenning na Yunivesiti we ol lain papa graun i winim dispela 3-1.

Gem ya i kamap bihain long ren i bin stapim olgeta gem bilong ol las wiken. Tasol long Sarere, san i kamap gut tru na olgeta gem i kamap.

Yunivesiti i winim namba wan set taim presiden bilong kompetisen

Terence Bite i go pas long ol poroman pilai bilong em M. Baloioloi, G. Montora, E. Karawa, A. Ofi na T. Ila long helim Universiti i win 22-25.

Montora, Baloioloi na Karawa i pilai gut na planti paıtım bal i go insait long kot bilong ol Lens.

Tasol dispela stail i pinis na Lens i winim tupela sets.

Dispela set i lukim kepten bilong Lens Oswald Tolopa wantaim spaika Mulina Gima na

tupela brata Murray na Robin Charlie i bung gut long helpim Lens i win 25-19.

Namba tri set i lukim tupela sait wantaim i pilai strong. Montora bilong Yunivesiti na Gima bilong Lens i pilai strong long sapatim tim bilong ol.

Long taim bilong pilai, tupela tim wantaim i pas long 15-15. Tasol ol liklik rong bilong Yunivesiti i mekim na ol i go daun 22-25.

### Tupela las tim brukim bun

TUPELA las tim insait long Pot Mosbi wimens sofbol kompetisen i skeim strong bilong tupela long husat tru bai win. Gem ya i bin stap namel long All Stars na Dolphins long Bisini sofbal graun.

All Stars i bin kam bihain long winim Dolphins 5-4. Win bilong All Stars i min olsem ol i gat faiv poin na Dolphins i wok long brukim si yet long las ples wantaim tripela poin tasol.

Dolphins inap long winim dispela pilai tasol ol i rong long ol i no holim

ol bal gut na All Stars i abrusim ol long winim gem.

Dolphins i mekim 4-pela ran bilong ol long nambawan ining tasol. Em long taim ol i winim tos long paıtım bal pas. Bihain long dispela ol i no inap kamapim wankain stail gen.

Long namba wan ining, Dolphins i rekotim 4-pela poin. Ol dispela poin i kam long Bonnie Girana, Yaking Haii, Claire Wut na Jacklyn Karanap long bringim skoa bilong ol i go antap.

Bihain long dispela ining, pitsa bilong Dolphins Jacklyn Karanap i no givim sans long ol All Stars. Em i blokim ol rana wantaim strongpela pitsing bilong em. Olsem na Florence Mero i rekotim wanpela ran tasol.

All Stars i surikim skoa taim Sabati Mero. Leila Gilchrist na Anna Wosley i kam hom long namba tri ining. Na long namba foa ining Freda Mero i mekim wining ran taim Leila i paıtım wanpela

gutpela bal.

Long narapela pilai Admiralty i daunim namba wan tim Wantok 10-7. Wankain yet Wantok i mas win tasol i luk olsem ol pilai i no tingling strong long pilai bilong ol.

Ron bilong Admiralty i kam long Darusila William long seken ining na namba foa na faiv ining i lukim, Jenny Malaibe, Getrude Mattes (2), Sylvia Australi, Margaret Devete, Ducas Piner, William, Jenny Gideon.

Ol spot poto

pes 24

Ol spot dro

pes 25

Lae Bisket  
givim K20,000  
long PNGFA

pes 26

Kone Tigers  
winim Nains

pes 27

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.